

88 წელი თქვენთან ერთად!

88 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.



„არს მთის კალთას, სკანდას, სასახლეს მეყვითა და ციხე დიდი, დიდშენი“
ვახუშტი ბაბრათიონი

თერჯოლა

საზოგადოებრივი გაზეთი • გამოდის 1933 წლიდან • №9-10 {7039} 5 მაისი 2021 წელი • www.Terjola.gov.ge

2 მაისი—ბრწყინვალე აღდგომა უფლისა ღმრთისა და მაცხოვრისა ჩუენისა იესო ქრისტესი

ქრისტე აღდგა!

სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის და ბიჭვინთისა და ცხუმ-აფხაზეთის მიტროპოლიტის ილია მეორის სააღდგომო ეპისტოლე

ყოვლადსამღვდელონო მღვდელმთავარნო, ღირსნო მოძღვარნო, დიაკონნო, ბერ-მონაზონნო, ხელისუფალნო, საქართველოს წმინდა მართლმადიდებელი ეკლესიის ყოველნო წევრნო, მკვიდრნო ივერიისა და ჩვენი ქვეყნის საზღვრებს გარეთ მცხოვრებნო თანამემამულენო

ქრისტე აღდგა!

„არა ყველა, ვინც მტყვევს მე: უფალო, უფალო, – შევა ცათა სასუფეველში, არამედ ის, ვინც აღასრულებს ჩემი ზეციური მამის ნებას“ (მთ, 7,21).

კვლავ დადგა ჟამი დიდებული, – აღდგა უფალი ძალითა ძლიერი, რომელმაც სრულად შეცვალა სამყარო და განაცხოველა იგი.

მთელ დედამიწაზე ხარობს ეკლესია და მისი შვილნი, რადგან ამიერიდან „სამოთხე განღებულ არს და სიკუდილისა ბჭე დახშულ არს. პირველქმნილი ადამი კუალად განახლებულ არს და სამოსელი უკუდავებისა შემოსილ არს“ (იაღვარი). დღეს ერთად შერცხვენენ ეშმაკი და სიკვდილი, გაცოცხლდნენ წინასწარმეტყველნი და ელხინათ მართლებს... „მამ, გლოვის სამოსელი განიძარცვე და სიხარულის სამკაულით მოირთე, წმინდა ქალაქო“ (წმ. მელეტი ანტიოქიელი).

ქრისტე აღდგა!

გიხაროდეს, ქალწულო, რამეთუ შენგან და შენ მიერ იშვებენ ყოველნი კიდენი ქუეყანისანი.


გიხაროდენ, ერნო, ჭაბუკნო და ასულნო, მოხუცებულნო ყრმათა თანა, რამეთუ მიზანი ბოროტისა განქარვებულია და მახენი ეშმაკისა-გაშიშვლებული. გიხაროდეს შენც, მინავ და ზეცავ, მთაო და ზღვაო, და ყოველნო მყოფნო მათ შინა; შემოდის დღე – სასნაული, დღე – მაცხოვნებელი, დღე-გადამრჩენელი! ამიტომაც ვხმობთ: გუშინ თანა-ჯვარს ვეცმოდით ქრისტესთან, დღეს თანა-ვიდიდებთ; გუშინ თანა-მოკვდებოდით, დღეს თანა-ცხოველებიქმნებთ; გუშინ თანა-დავევლოდით, დღეს თანა-აღვდგებთ (წმ. გრიგოლ ღვთისმეტყველი).

აღდგომა ქრისტესი გვაზიარებს მის მიერ სიკვდილის ძლევის უდიდეს სიხარულთან, რაც ჩვენს პირად უკვდავებასაც უკავშირდება, რადგან „თუ სიკვდილის მსგავსებით თანაშეზრდილნი ვართ მასთან, აღდგომითაც მას ვემსგავსებით“ და როგორც ქრისტე აღდგა მკვდრებით, ასევე ჩვენც იმსოფლად განახლებულ სიცოცხლეში ვივლით“ (რომ. 6,5-4)

განახლებული ცხოვრება კი დედამიწაზევე უნდა დაიწყოს, რომ „სიცოცხლის სულის რჯულმა ქრისტე იესოში ცოდვისა და სიკვდილის რჯულისგან განგვათავისუფლოს“ (რომ. 8,2).

გიხაროდეს, ქალწულო, რამეთუ შენგან და შენ მიერ იშვებენ ყოველნი კიდენი ქუეყანისანი.

გიხაროდენ, ერნო, ჭაბუკნო და ასულნო, მოხუცებულნო ყრმათა თანა, რამეთუ მიზანი ბოროტისა განქარვებულია და მახენი ეშმაკისა-გაშიშვლებული.



ჭეშმარიტად აღდგა!

შევიმოსოთ მოყვასის სიყვარულითა და სიკეთის კეთების ნებით...

სრულიად საქართველოში, ისე როგორც მთლიანად ქრისტიანულ სამყაროში, ქრისტეს აღდგომის ბრწყინვალე სადღესასწაულო უამრავი. ყველა ქრისტიანი მონივნებით მიაგებს პატივს უფალს იმ თავგანწირვისა და ტანჯვისთვის, რაც მან ჩვენდამი სიყვარულის გამო გასწია.

ახლა, ამ საყოველთაო გასაჭირის დროს, ძალზე მნიშვნელოვანია ერთმანეთის თანადგომა, სიყვარული და სიკეთის კეთება, სიმშვიდე და დიდსულოვნება, გულმონყალება და შემწყნარებლობა, რაც ჩვენს ერისა და ქვეყნის ერთიანობისათვის უპირველესი და გადაუდებლად აუცილებელი ნინაპირობაა.

თავს აღმატებული ძალით უნდა ვეცადოთ, რომ შევძლოთ ამ ნესით ცხოვრება! ქრისტე აღდგა!

გაზეთის ამ ნომერში აღდგომის ბრწყინვალე დღესასწაულს გვილოცავენ საქართველოს პარლამენტის წევრი — ზესტაფონი, ბაღდათი, თერჯოლა, ტყიბულის მუნიციპალიტეტების მაჟორიტარი დეპუტატი ბეჟან ნაჭაძე და თერჯოლის მუნიციპალიტეტის მერი ლაშა გომიაშვილი. მილოცვებთან ერთად აქვე იხილავთ მუნიციპალიტეტის მერის შეფასებებს მუნიციპალიტეტის სოციალურ-ეკონომიკური ცხოვრების რამდენიმე მიმართულებით მერიის მიერ განეული საქმიანობის თაობაზე. („გვაქვს შინაგანი რესურსი და მზაობა სირთულეების დასაძლევად“... გვ.3,4).

ასევე, გაზეთის მე-3, 4 გვერდებზე გთავაზობთ გამოხმაურებას, რომელიც ზესტაფონი, ბაღდათი, თერჯოლა, ტყიბულის მუნიციპალიტეტების მაჟორიტარი დეპუტატის, ბეჟან ნაჭაძის ერთი ინიციატივის გამო შექმნილი აზრთა სხვადასხვაობის გამო მივიღეთ რედაქციაში („სანუხ არს ესე“).

არამინიერი სიხარული სუფევს დღეს ყველა მორწმუნე ქრისტიანის გულში...

ქრისტე აღდგა!

აღდგა ჩვენთვის ნამებული, ჯვარცმული და „სიკვდილითა სიკვდილისა დამთრგუნველი“.

სრულიად საქართველოს ვულოცავ ამ უდიდეს დღესასწაულს.

განსაკუთრებული სიყვარულით მივულოცავ ჩემს ძვირფას ზესტაფონელ, ბაღდათელ, თერჯოლელსა და ტყიბულელ თანამოქალაქეებს.

შეუძლებელია სიტყვებით აღწერა იმ ტანჯვისა, დამცირებისა, რაც მაცხოვარმა განიცადა ჩვენი სიყვარულისათვის, ჩვენი ხსნისათვის.

სიკვდილის წინ, გეთსამინის ბაღში განმარტობული მაცხოვარი იტყვის: „მწუხარე არს სული ჩემი ვიდრე სიკვდილამდე“. ეს არ იყო ნუხილი მოახლოებული ტანჯვისა და სიკვდილის გამო, არამედ ნუხილი კაცთა მოდგმის არნახულ დაცემასა და უზნეობაზე.

წუხდა მოყვასის—იუდას დაცემის გამო ვერცხლზე რომ გაყიდა მოძღვარი და ეს უფრო მწარე იყო მისთვის ვიდრე ნაღველგარეული ძმარი, რომელიც შეასვეს.

წუხდა, რომ ერი, რომელსაც ურიცხვი სიკეთე უყო და რომელიც „ოსანას“ ლაღადით ხვდებოდა იერუსალიმში შემავალს, მალე მოითხოვდა: „ჯვარს აცვი ეგე“. ეს იმ ჯვარზე მძიმე იყო, გოლგოთაზე რომ აიტანა თავად, უფრო მტკივნეული ვიდრე ლურსმნებით ჯვარზე მიჭედება, უფრო დამამცირებელი ვიდრე თავზე ეკლის გვირგვინი, ცემა და ფურთხი.

და მაინც, წამითაც არ გამქარა მასში სიყვარულის გრძობა და ამადაც შესთხოვს მამაზეციერს: „მიუტევე ამთ მამაო, რამეთუ არა იციან რასა იქმან“.

სიყვარულია თავად უფალი და სიყვარულის უკვდავებაა აღდგომა მისი. გოლგოთის გზაც ხომ ტანჯვასთან ერთად სიყვარულის გზა იყო, რადგან ჩვენდამი დიდი სიყვარულის გამო გაიარა ნებაყოფლობით ეს გზა უფალმა.

კიდევ ერთხელ მივულოცავთ აღდგომის ბრწყინვალე დღესასწაულს.

ვისურვებდი სიყვარულით გვეცხოვროს ამქვეყნად. ისე გვეცხოვროს მოციქული პავლე რომ გვასწავლის „შეიმოსეთ, როგორც ღმრთის რჩეულია; სინმიდე, გულმონყალება, შემწყნარებლობა, სიტკობება, სიმდაბლე, სიმშვიდე, დიდსულოვნება. ხოლო უწინარეს ყოვლისა შეიმოსეთ სიყვარულით, რომელიც არს სიმტკიცე სრულქმნილებისა“.

პატივისცემით
ბეჟან ნაჭაძე

გამოხმაურება

„სანუხ არს ესე“

„ეხლანდელ დროს რალაც ხიფათი შეემთხვა და ადამიანის ლოგიკამ გზა შეიშალა... ცოდვამ მადლს პირბადე ჩამოაფარა, ყალბი ხალასად გადის და ნაძირალა თავანკარად... ეს არევე-დარევა აზრებისა, ეს გაურჩევლობა ტყუილისა და მართლისა, ბოროტისა და კეთილისა, არსად სხვაგან ისეთის თავმომწონებით არ გათამამებულა, არ გაკადნიერებულა, როგორც ჩვენში...“ - წუხდა ილია XIX საუკუნეში, ხოლო XX საუკუნის მწერალი და შესანიშნავი ესთეტი კონსტანტინე კაპანელი იხსენებს გოეთეს სიტყვებს „ფაუსტიდან“: - როდესაც ადამიანს თავში აზრი აკლია, ცდილობს საგანგებო სიტყვებით დაფაროს თავისი უაზრობა - და დასძინოს:

„საქმე ისაა, რომ ხშირად თავში აზრი აკლია არა მარტო ცალკე ადამიანს, არამედ მთელს საზოგადოებასა და ეპოქას. ამ დროს უაზრო თავებში იზადება სიტყვებისადმი უსაზღვრო „პატივისცემა“, იწყება თავზედური, უზნეო და უზრდელო გამოვლენები აზრის, ლოგიკისა და წარსულის საწინააღმდეგოდ. ქუჩური ხასიათი, ეძლევა საზოგადოებისა

და ერის ესთეტიკას: ლანძღვენ და აგინებენ ავტორიტეტებს, ებრძვიან ტრადიციას, საუკუნეთა განმავლობაში განმტკიცებული ცხოვრებისა და ისტორიის ფორმებს, სახეებს. ეს არის დრო ისტორიული და კულტურული დეცენერაციისა, რომელიც ამახინჯებს ცივილიზაციას“.

იშვიათი გამონაკლისის გარდა, არც მანამდე გვიცხოვრია ერთობითა და ერთმანეთის სიყვარულით. თავისი ხალხის უზომოდ მოყვარული მეფე-პოეტი წმიდა არჩილი ისე გააოცა თანამედროვეთა უზნეობამ, რომ გულისტკივილით ჩივის მათი ზნედაცემულობის გამო:

„ვერ ხედავთ მარტო ჩვენს ჟამში რამდენი ავი რამ იქნა? რა ცრუ-ფიცობა, რა ზაკვა, უნამუსობა, რა ლიქნა“

არც დღეს ვართ უკეთეს დღეში...

ერი გოლგოთის აღმართზე დგას...

რა მოგვდის, რა გვემართება, რამ აგვიყვანა სინდისი, რატომ გვიდუღს ცოდვის მორევი?

რა უფლებით ვანთებთ სანთელ-საკმეველს, როცა ქრისტიანობის უმთავრესს პრინციპს - „ღმერთი სიყვარული

არს“ - ვივინყებთ და პერანგებს სხეული კი არა საკუთარი სული და სუნთქვა გვიჭყუყუიანებს. ლამის აღარაფერი შეგვრჩეს წმინდა, ისე გავიმეტებთ ერთმანეთს, თითქოს ისტორიამ გუშინ გავვილო ცივილიზაციის კარი... „ქართულში კვდება ის რამაც სვეტიცხოველი დაგვადგმევინა, ვაზი აგვიმღერა - ჰუმანურობა, სიკეთე, ერთმანეთის დანდობა. იქნებ გახდოდა ჩოხა-ახალუხში ჩაგვრჩა ჩვენი რაინდული სული?“ თუ ასე არ არის რატომ გვანარებს მოყვასის დაკნინება, შეურაცხყოფა?

ჩვენეული დემოკრატიის სახელით ყველაფერი „მოსულა“ ხალხის მიერ არჩეულ დეპუტატს (და ნებისმიერ თანამდებობის პირს) შეიძლება აგინო, ლანძღო, წყევლა-კრულვა უგზავნო და მას თურმე თმენის ვალდებულება ჰქონია. დემოკრატიის მამათმთავრებს კი მიაჩნდათ, რომ დემოკრატია პირლია სიტყვა, უკონტროლო საქციელი, ხელ-ფეხისა და სურვილების თავისუფლება კი არა, საზოგადოების წინაშე პასუხისმგებლობა, კანონის მორჩილება, და ზნეობის ტაძარში ლოცვაა.



ბილოცავთ აღდგომის ბრწყინვალე დღესასწაულს!

ყველა მართლმადიდებელი ქრისტიანისთვის ეს დღე დიდი სიხარულისა და იმედის მომტანია, ერთმანეთს უფლის ჭეშმარიტ აღდგომას ვახარებთ, ჯვარცმის მწუხარებას, აღდგომის სიხარული ცვლის.

მინდა ეს უდიდესი დღესასწაული მთელი სულითა და გულით მივულოცო საქართველოს სამოციქულო მართლმადიდებლური ეკლესიის მრევლსა და ყველა იმ ქრისტიანს, რომლებიც სიცოცხლის სიკვდილზე გამარჯვებას აღნიშნავს.

აღდგომილმა უფალმა პირველად მშვიდობა უსურვა თავის მონათესაებს...

მშვიდობა იყოს თითოეული ჩვენგანის გულეში, ოჯახებსა და სრულიად საქართველოში.

მუნიციპალიტეტის მთელ მოსახლეობას ვულოცავ აღდგომის ბრწყინვალე დღესასწაულს.

აღდგომის სიხარულით აღსავსე ცხოვრებას, ბედნიერებასა და წარმატებებს ვუსურვებ ცხოვრების ამ რთულ გზებზე.

ქრისტე აღდგა! ჭეშმარიტად აღდგა იესო!

ლაშა გომიაშვილი,
თერჯოლის მუნიციპალიტეტის მერი

ლაშა გომიაშვილი: „გვაქვს შინაგანი რესურსი და მზაობა სირთულეების დასაძლევად“...

ერთი წელი გავიდა თერჯოლაში ჩემი ჯერ, როგორც მერის მოვალეობის შემსრულებლის, შემდეგ კი თერჯოლელების ნდობით აღჭურვილ მერად არჩევიდან.

ამ პერიოდში, მიუხედავად პანდემიით გამოწვეული სირთულეებისა, ცენტრალურ ხელისუფლებასთან კოორდინირებული თანამშრომლობით, გაასმაგებული პასუხისმგებლობით და მუდმივი მონიტორინგით ვავაგრძელებ ბევრი კარგი პროექტის განხორციელებას. იმედი გვაქვს, რომ მიმდინარე წელს, შესასრულებელი ინფრასტრუქტურული პროექტების ჩამონათვალს ახალი პროექტებიც დაემატება. ადგილობრივი თვითმმართველობის ძალისხმევითა და რეზერვების მაქსიმალურად მობილიზებამ კი შედეგი საკმაოდ კარგი მოგვცა. ჩვენ მზად ვართ გავაძლიეროთ ძალისხმევა და საქმიანობა მუნიციპალიტეტის წინსვლისა და განვითარებისათვის.

უპირველესად საბიუჯეტო შემოსავლებზე გავამახვილებ ყურადღებას, რაც მნიშვნელოვნად განსაზღვრავს ჩვენი საქმიანობის მასშტაბებს.

პანდემიამ ქვეყანაში უკიდურესად უარყოფითად და მძიმედ სწორედ ბიუჯეტის შემოსავლებზე იმოქმედა, მაგრამ მაინც შევძელით განვირეო ხარჯების სრულად დაფინანსება. უფრო მეტიც, დაგეგმილ შემოსავლებს გადავჭარბეთ 650 ათასი ლარით (103,1%). ადგილობრივი ბიუჯეტის ხარჯზე ჩვენ შევძელით კეთილმონყოების სამსახურისათვის შეგვეძინა მუნიციპალიტეტისათვის მეტად საჭირო და აუცილებელი ორი ერთეული ძვირადღირებული ტექნიკა (გრეიდერი და ავტომანქანა კალათით).

სკოლამდელ დაწესებულებებში სუთასამდე თანამშრომელს გავუზარდეთ ხელფასი, თითოეულს 100-100 ლარით.

გავზარდეთ სოციალური პროგრამების და საუბნო გზების კეთილმონყოების ხარჯები 300 ათასი ლარით. ამასთან, აქტიურად ვიყავით ჩართული ინფრასტრუქტურული პროექტების თანადაფინანსებაში. 200 ათას ლარზე მეტი მოვასმარეთ სამომავლო პროექტების მომზადებას, რომელთა საჭიროება მოსახლეობასთან შეხვედრაზე გამოიკვეთა.

კიდევ უფრო მასშტაბური გამოწვევების წინაშე აღმოვჩნდით 2021 წლისათვის, მაგრამ საფინანსო-ეკონომიკური მიმართულებით ჩვენმა სწორად გათვლილმა საქმიანობამ პირდაპირ უზრუნველყო მუნიციპალიტეტის ბიუჯეტის ოთხი თვის შემოსავლების შესრულება. უფრო მეტიც, ბიუჯეტის საშემოსავლო ნაწილი გასული წლის შესაბამის პერიოდთან შედარებით გაიზარდა 250 ათასი ლარით. ასევე დადებითი ტენდენციები შეინიშნება ადგილობრივი შემოსავლებში.

ოთხთვიანი შედეგების ასეთი სურათი გვაძლევს საშუალებას იმედი დავიტოვოთ, რომ შევძლებთ მიმდინარე წლის საბიუჯეტო პარამეტრების შესრულებას და გვექნება შესაძლებლობა, რომ ურთულეს სიტუაციაში შესვლის პირობებშიდაც კი, საჭირო და გადაუდებელი აუცილებლობისათვის გასანევი ხარჯები გავცეთ ადგილობრივი ბიუჯეტიდან.

წარმატებით იმუშავა ჩვენმა სოციალურმა პროგრამებმა. შევძელით, რომ ამ მიზნით თავდაპირველად გათვლილი ხარჯი—980,0 ათასი ლარი წლის მანძილზე დამატებით 100,0 ათასი ლარით შეგვევსო.

ამ პროგრამებით სულ 5000-მდე თერჯოლელმა ისარგებ-

ლაშა გოგიაშვილი: „გვაქვს შინაგანი რესურსი და მზაობა სირთულეების დასაძლევად“ ...

ლა. ჩვენთვის მეტად ფასეულია, რომ გასულ წელს პირველად დავინყეთ უსახლკაროთათვის საცხოვრებელი სახლების მშენებლობა. ავამშენეთ კიდევ 3 საცხოვრებელი სახლი. წელს კიდევ უფრო ამბიციური პროგრამა დავისახეთ— გვინდა ამჯერად ხუთი ახალი სახლი ავამშენოთ. ვფიქრობთ, მომავალ წლებშიც გამოვძებნით სახსრები, რომ ახალი საცხოვრებელი სახლებით დავაკმაყოფილოთ ის ოჯახები, რომლებიც ამას გადაუდებლად საჭიროებენ.

მიმდინარე წლის სოციალურ პროგრამებთან დაკავშირებით იმასაც ვიტყვი, რომ წელს მათ დასაფინანსებლად, ისე როგორც შარშან, დავგვემეთ 980,0 ათასი ლარის ხარჯი, რაც იმედა, ჩვენი საფინანსო-ეკონომიკური გუნდის ძალისხმევით, წლის განმავლობაში, კვლავ გაიზარდა და პირნათელი ვიქნებით ჩვენი სოციალური პროგრამების ბენეფიციარებთან, რომელთა რაოდენობა სამწუხაროდ, ჯერ კიდევ საკმაოა... გასულ წელს მუნიციპალიტეტ-

სხვადასხვა ლოკაციაზე სტიქიის შედეგად დაზიანებული საავტომობილო გზები, ხიდ-ბოგირები და საყრდენი კედლები.

ასევე, გასულ წელს, მუნიციპალური განვითარების ფონდის (მგფ) მეშვეობით, თერჯოლის მუნიციპალიტეტში დაიწყო და დასრულდა სოფ. ჩხარის N2 საჯარო სკოლისა და სოფ. ზედა საზანოში საჯარო სკოლის მე-2 კორპუსის სამშენებლო სამუშაოები, რომლებიც გათვლილია 60 ბავშვზე, ასევე გასულ წელს დასრულდა სოფ. სიქთარის საჯარო სკოლის შენობის მშენებლობა, რომელიც გაიხსნა გასული წლის სექტემბრის თვეში.

საავტომობილო გზების დეპარტამენტის მიერ, ჩოლაბურის ხიდის მე-8 კმ-დან, დაიწყო რუფოთი-ალისუბანი-საზანო-თუზის დამაკავშირებელი საავტომობილო გზის 12 კმ-იანი მონაკვეთის მშენებლობა.

დიდ წარმატებად ვთვლით, რომ თერჯოლა უკვე საქართველოს იმ ერთეული მუნიციპალიტეტების

თერჯოლელთათვის და არა მარტო, დიდად სასარგებლო იქნება ქ. თერჯოლაში მიმდინარე წელს დაგეგმილი იუსტიციის სახლის მშენებლობა, რაზედაც ტენდერი უკვე შედგა და მიმდინარეობს შერჩევა-შეფასების პროცესი.

ხაზგასმით უნდა აღვნიშნოთ ისიც, რომ საავტომობილო გზების დეპარტამენტის დაფინანსებით 2020 წელს დაიწყო და მიმდინარე წელს მიმდინარეობს რუფოთი-ალისუბანი-საზანო-თუზის დამაკავშირებელი საავტომობილო გზის 12 კმ-იანი მონაკვეთის მშენებლობა, რომლის ღირებულებაა თითქმის 12 მლნ ლარია.

ასევე, საქართველოს გაერთიანებული წყალმომარაგების კომპანიის მიერ მიმდინარეობს რუფოთისა და ტელეფის მოსახლეობისათვის სასმელი წყლის მიწოდებელი სისტემის მოწყობა, რომლის სამუშაოებიც დასრულდება 2022 წელს, პროექტის ღირებულება 8 500 000 ლარია.



ში მნიშვნელოვანი მოცულობის სამუშაოები შესრულდა ინფრასტრუქტურული მიმართულებით. ამ პროექტების ჩამონათვალი რამდენიმე ათეულია. საერთო მოცულობამ კი 8 მლნ ლარამდე შეადგინა. აქედან, მარტო რეგიონული განვითარების ფონდიდან (რგფ) გამოვეყიო 4524482 ლარი, რომლის ფარგლებში, გასულ წელსვე განხორციელდა 6 პროექტი, 8 პროექტი კი გარდამავალია. აქედან 4 უკვე ახლახანს დასრულდა.

სოფლის მხარდაჭერის პროგრამის ფარგლებში თერჯოლის მუნიციპალიტეტს გამოეყო 690 000 ლარი, რომლის მეშვეობით განხორციელდა 108 პროექტი.

სკოლების სარეაბილიტაციო სამუშაოების ფარგლებში დაიხარჯა 724 000 ლარი და 14 საჯარო სკოლაში მოეწყო ადაპტირებული სველი წერტილები.

სტიქიის სალიკვიდაციო ფონდიდან, 2020 წელს თერჯოლის მუნიციპალიტეტს გამოეყო 1 000 000 ლარი და რეაბილიტირდა

რიცხვშია, სადაც ყველა დასახლებული პუნქტი გაზიფიცირებულია. გასულ წელს გაზის ტრანსპორტირების კომპანიის მიერ გაზიფიცირდა თერჯოლის მუნიციპალიტეტის გაზის გარეშე დარჩენილი ბოლო სოფელი სეფარეთი.

რაც შეეხება 2021 წლის ამოცანებს — მიმდინარე წელს თერჯოლის მუნიციპალიტეტს რგფ-დან გამოეყო 2964556 ლარი, რომლის ფარგლებში ფინანსდება გასულ წელს დაწყებული 8 პროექტი, აქედან 4 უკვე დასრულებულია, ხოლო 4 პროექტი დასრულდება უახლოეს მომავალში.

აქტიური სამუშაოები დაიწყო სოფლის მხარდაჭერის პროგრამის ფარგლებში, რისთვისაც მუნიციპალიტეტს გამოეყო 690 000 ლარი 87 პროექტის შესასრულებლად.

ასევე — მიმდინარე წელს, მგფ-ის დაფინანსებით, სოფ. რუფოთისა და სოფ. ქვედა სიმონეთის N2 საჯარო სკოლებში მიმდინარეობს სრული სარეაბილიტაციო სამუშაოები.

ჩვენ იმედი გვაქვს, რომ მიუხედავად მძიმე ეკონომიკური ფონისა, რაც ძირითადად პანდემიურმა გარემომ შექმნა, მიმდინარე წელს შესასრულებელი ინფრასტრუქტურული პროექტების ჩამონათვალს ახალი პროექტებიც დაემატება. ამის საფუძველს გვაძლევს ახლახან საქართველოს მთავრობის გადაწყვეტილება ქვეყნის ყველა მუნიციპალიტეტში „ურბანული განახლების პროგრამის“ დაწყების შესახებ, რისთვისაც ეტაპობრივად 500,0 მლნ. ლარია გათვალისწინებული.

იკვებება, რომ წლებიდან წელი არანაკლებ რთული და დაძაბული იქნება, ვიდრე გასული, მაგრამ გვაქვს შინაგანი რესურსი და მზაობა სირთულეების დასაძლევად, რომ მიუხედავად ყველა ადრეული პერიოდებისათვის სრულიად უცხო, ახალი, მძიმე და არაორდინალური ვითარებისა გავაკეთოთ მაქსიმუმი ჩვენი მუნიციპალიტეტისა და ხალხის საკეთილდღეოდ.

„სანუხ არს ესე“

ცნობილი თეატრმცოდნე ნოდარ კაკაბაძე, რობერტ სტურუასეულ პიესებზე მსჯელობისას, თანამედროვე ადამიანს გამოქვაბულის ხანისას ადარებს და წერს: „ტექნიკის, კომფორტის საარაკო განვითარების პარალელურად არ მომხდარა ადამიანის შესაბამისი ზნეობრივი სრულქმნა. პირიქით, თანამედროვე ადამიანი თავისი მორალით, თავისი უპატიოსნობით, თავისი დაუნდობლობით პრინციპულად არ განსხვავდება გამოქვაბულის ადამიანისაგან, უბრალოდ შეიცვალა მათი ძალადობის, ეგოიზმის, აგრესიის, მათი დესტრუქციის ფორმები, ხერხები, ყაიდა. მეტიც, გამოქვაბულის ადამიანი უფრო პატიოსანი იყო, რადგან მისი „უზნეობა“ არსებობისთვის ბრძოლა იყო. ეს იყო მტაცებელი ნადირის „ამორალიზმი“, რადგან უამისოდ ის არსებობას ვეღარ შეძლებდა, ხოლო თანამედროვე ადამიანისათვის დაუნდობლობა, საგანგებო აგრესია სხვა ადამიანების მიმართ, თუ შეიძლება ასე ითქვას, ფუფუნებაა“.

დღევანდელ საქართველოში ალარაგის უკვირს პოლიტიკოსის (განსაკუთრებით მმართველი პარტიიდან) ლანძღვა-შურაცხყოფა, მაგრამ ყოველგვარ ზღვარს გადააჭარბა ენ. „სოციალურ ქსელში“ გამართულმა „ჯვაროსნულმა ლაშქრობამ“ დეპუტატ ბუჟან ნაქაძის წინააღმდეგ. და ეს ლაშქრობა მოჰყვა მის განცხადებას, რომ საქართველოში უნდა დაწესდეს მინის მოცდენის გადასახადი.

სანამ ამ მოსაზრებას შეეხებოდეთ უნდა აღვნიშნოთ, იმ ლეგიონში დეპუტატს რომ აუმხედრდა, ნაკლებად გვეკულება მინის მოყვარული, ნაღდი მშრომელი ადამიანი, ისეთი გლეხი, ერთ-ერთი საფლავის ქვაზე ნაკანრი „ლექსით“ ასე რომ ჩასტირის მარჩენალ მინას: „მინავ მოგიკვდი მემრომე, გუთანო ჩამოგეცალე“.

დიახ, მინასთან და ვაზთან მომუშაოვე გლეხს ალბათ არ ექნება დრო და, რაც მთავარია, სურვილი „ფეისბუქს“ ჩაუჯდეს და ზღვარგადასული, შურაცხმყოფელი კომენტარები წეროს და რაც მთავარია, ისინი ერთ გოჯ მინასაც არ მოაცდენენ. კრიტიკა (განსაკუთრებით სახელისუფლებო შტოებისა), რა თქმა უნდა, საჭირო და აუცილებელია, მაგრამ როცა კრიტიკაში სიძულვილი კი არა, სიყვარული, თუნდაც შენთვის მიუღებელი აზრის პატივისცემა ჩანს, მაშინ არის ის მისაღები და სასარგებლოც.

ნამდვილად არ გამოვდგებით ბატონ ნაქაძის ადვოკატად, მეტიც, საერთოდ არ ვიცნობთ მას პირადად, საარჩევნო პლაკატებზე გვინახავს მხოლოდ და კეთილი კაცი იმზირება სურათიდან (თვალეები სულის სარკეა), მაგრამ უნდა ვალიაროთ, მისი აზრი მინის მოცდენის გადასახადთან დაკავშირებით, საშური და აუცილებელია და იგი უსათუოდ უნდა იქცეს კანონად.

მინც რა თქვა ასეთი დეპუტატმა ლამის მისი ჯვარცმა რომ მოითხოვეს. როგორც თავად განმარტა, ეს ინიციატივა ითვალისწინებს იმ პირთა მიერ მინის მოცდენის გადასახადის გადახდას, რომლებიც ათობით ჰექტარ სახნავ-სათესს ფლობენ, მაგრამ სხვადასხვა მიზეზთა გამო (უფრო შეგნებულად) მას არ ამუშავებენ ანუ ეს მინები ცდება და ასეთი მინების ხვედრითი წილი მთელი სახნავ-სათესი მინების 70%-ია. გვაქვს კი ასეთი ფუფუნების უფლება მაშინ, როცა ლამის მწვანელიც კი უცხოეთიდან შემოგვაქვს? ამ გადასახადიდან შემოსული თანხა ისევე იმ გლეხებსა და ფერმერებს უნდა მოხმარდეს, რომლებიც დოვლათს ჰქმნიან.

ეს საკითხი განსაკუთრებით აქტუალურია დღეს, როცა თვალმისაცემი და თავმისაცემია სოფლების ახალგაზრდებისაგან დაცლა.

სოფელმა ბევრი რამ დაკარგა. სოფლის დანაკარგი კი ერს აღარბეებს. სოფელი ქვეყნის ხერხემალი იყო ყოველთვის და დღესაც ასეა ის სოფელი, რომელიც მოხუცებს დარჩათ და საითაც თავს მიაბრუნებ ყველგან მოხუცი და ყავარჯენი დაგხვდება, თუმცა ეს ვრცელი და ცალკე საუბრის თემაა.

ბატონ ბუჟანს კი ვთხოვდით, ბოლომდე მიიყვანოს ეს ინიციატივა და არ შეუშინდეს მავანთა და მავანთა უკადრის საქციელს, რადგან ჩვენ ჭეშმარიტად მხოლოდ მაშინ ვიქცევით როცა ვაამებთ ჯერ ღმერთს და მერე ადამიანებს, რადგან ხალხი ყოველთვის როდია კეთილგანწყობილი და ყოველთვის როდი მოსწონს სიკეთე და თუნდაც პიროვნება.

P.S. ეს წერილი არ არის დეპუტატ ბუჟან ნაქაძის დასაცავად დაწერილი. ის ამას უჩვენოდაც შესძლებს უთუოდ. ეს წერილი შეხსენებაა, მოწოდებაა ჩვენი თანამოქალაქეებისადმი, რომ თუ არ დავასრულებთ ქიშპობა, ერთმანეთის დამცირება, „თუ არ დავივინყეთ კითხვა - „ვის მხარეს ხარ?“, თუ ერთის ცრემლი ყველას არ დაგვისველებს ნამნამს, თუ არ მოვეშვებით იმის გარკვევას ვისი წინაა უფრო მწარეა“, მერე გვიან იქნება.

ზურგი ვაქციოთ, წარსულს და ყველამ ერთად გავხედოთ მომავალს.

მკითხველის საყურადღებოდ!

ჩვენი გაზეთის ეს გამოშვება კოვიდმზლუდების გამო ისევ 12 გვერდიანია ანუ ორი ნომერია გაერთიანებული. ეს კი იმას ნიშნავს, რომ მორიგი „თერჯოლა“ ივნისის თვეში გამოვა. მართალია, მიზეზთა გამო ამ ნომერში ბევრი საინტერესო ინფორმაცია ვერ განვათავსეთ, მაგრამ მათ მომავალში აუცილებლად შემოგთავაზებთ.

„თარჯოლა“

2017-2020 წლებში
თერჯოლის მუნიციპალიტეტის მერთან
არსებული მრჩველთა საბჭოს წევრები:
მ. მურადაშვილი თ. სვინტრაძე
ს. ბუსკივაძე ფ. კეზევაძე
მ. გენაძე

„გაუკეთებელი საქმე არ არსებობს! მთავარია, გიყვარდეს, გჯეროდეს და შრომობდე...“

ასე ფიქრობს ქალბატონი, რომელიც მხოლოდ ექვსი თვეა რაც ბარდუბნის საჯარო სკოლის დირექტორად დაინიშნა, ქვეყნისათვის და მათ შორის სკოლისათვის შექმნილ ურთულეს პერიოდში.

როცა ნორმალურ ვითარებაში სკოლის ყოველი დღე, ყოველი საათი თუ ნუთი გათვლილ-დაგეგმილია, ხოლო ეპიდსაშიშროების გამო სკოლებს სხვა რეჟიმითა და სხვა ფორმით, ანუ მითითებული რეკომენდაციების და რეგულაციების შესაბამისად უნვეთ მუშაობა, რაც ნამდვილად არ არის ადვილი, ახალბედა დირექტორი გაბედულად აცხადებს:

— „მსოფლიო პანდემიამ თვალნათლივ დაგვანახა, რომ თითოეული ადამიანის პირად პასუხისმგებლობას გლობალური ეფექტი აქვს. სწორედ ადამიანური პასუხისმგებლობიდან იწყება ყველა და ყველაფერი. იმისათვის, რომ „ონლაინ“ თუ დასწრებით რეჟიმში სასწავლო პროცესი გამართული იყოს, საჭიროა, მუდმივად გვეჭიროს ხელი სკოლის მაჯისცემაზე და ვგრძნობდეთ დაკისრებულ პასუხისმგებლობას. სადაც ნდობაა, იქ გუნდია, სადაც გუნდია, იქ საერთო საქმე აუცილებლად კეთდება. კოლეგებს და საერთოდ ადამიანებს ყველას ვეტყვოდი: გაუკეთებელი საქმე არ არსებობს! მთავარია, გიყვარდეს, გჯეროდეს და შრომობდე ამისთვის!



გულო სულამანიძე დაიბადა 1974 წელს ზედა სიმონეთში. 1992 წელს დაამთავრა სოფლის სკოლა და იმავე წელს ჩაირიცხა წერეთლის სახელმწიფო უნივერსიტეტის ფილოლოგიურ ფაკულტეტზე. მესამე კურსის წარჩინებული სტუდენტი, უკვე შეთავსებით გაკვეთილებს ატარებს მშობლიურ სკოლაში.

ჯერ კიდევ სკოლის მოსწავლე იყო, როცა მისი დედა მისმა პედაგოგმა და როგორც გულო ამბობს, მისი ცხოვრების მასწავლებელმა ნინელი გვენეტაძემ ჩვენთან რედაქციაში მოიხიბა და გახეთ „ნინსელაში“ დაიბეჭდა.

სტუდენტი დროის დიდ ნაწილს საჯარო ბიბლიოთეკაში ატარებდა. იმ პერიოდში დაინერა მისი ნაშრომები: „გამოსაღმების ხელოვანი“, რომელიც გალაქტონ ტაბიძის შემოქმედებას ეძღვნება და „მისტიური სახე სიმბოლოები და მათი გააზრება დავით გურამიშვილის „დავითიანში“. ნაშრომებმა მისი ლექტორების მოწონება დაიმსახურა და სადისერტაციოდაც კი განიხილებოდა, თუმცა გარკვეული მოვლენების გამო ეს არ მოხერხდა და შემდეგ თბილისში წიგნად დაიბეჭდა...

უნივერსიტეტის დამთავრების შემდეგ გულო ქ. ქუთაისის №9 და №3 საჯარო სკოლებში მუშაობდა. 1998 წელს მოსკოვში გაემგზავრა უკვე დაოჯახებული. იქ მუშაობდა მალხაზ კლდიაშვილთან და ორ მცირეწლოვან შვილთან ერთად, 15 წელი ცხოვრობდა. ამ წლების განმავლობაში ქართულ-კულტურულ საგანმანათლებლო ცენტრ

„მზიურში“ მუშაობდა... შემდეგ გადაწყვიტა, რომ მის შვილებს საქართველოში უნდა ეცხოვრათ, ერთხანს თბილისში იტალიურ კერძო სკოლა „ცისკარში“ მასწავლებლობდა, თუმცა შემდეგ საცხოვრებლად და სამუშაოდ მუშაობის სოფელი ბარდუბანი აირჩია. ამასობაში შვილებმა, გოგონამ მარიამმა უკვე წელს წერეთლის სახელმწიფო უნივერსიტეტის სამედიცინო ფაკულტეტი დაასრულა, ხოლო გიორგიმ XII კლასში და ახლა იგი აბიტურიენტია...

ბარდუბნის საბავშვო ბაღში მუშაობამ, მზაობის ჯგუფთან ერთად გატარებულმა დღეებმა, აქტივობებმა თუ სასწავლო პროცესებმა მისცა საშუალება კიდევ ერთი ლამაზი ფურცელი ჩაენერა თავის ბიოგრაფიაში. გულომ თავი გამოიჩინა როგორც პასუხისმგებელიანმა, ნიჭიერმა, უნარიანმა და აქტიურმა აღმზრდელმა. პატარებისა და საქმის სიყვარული უადვილებდა საქმეს. ეს ის სამყარო იყო, სადაც თავს ბედნიერად გრძნობდა, პატარები სიყვარულს სიყვარულითვე უბრუნებდნენ. სიხალისების ძიებამ, ნიჭმა, ფანტაზიამ შემოქმედებითა უნარმა კიდევ უფრო თვალსაჩინო გახადა მისი საქმიანობა.

თუმცა გასული წლის ოქტომბერში გულოს საყვარელ პატარებთან განშორება მოუწია, იგი ბარდუბნის საჯარო სკოლის დირექტორად დააინიშნეს.

გულოს კარგად აქვს გააზრებული ის პასუხისმგებლობა, რაც დღევანდელ ეტაპზე და საერთოდ სკოლას, მის

პედაგოგიურ კოლექტივსა და დირექციას აკისრია მოსწავლე-ახალგაზრდობის სწავლა-აღზრდის საქმეში. იცის ადვილი არ არის 21-ე საუკუნის ახალგაზრდობას შესთავაზო ის განსაკუთრებული მეთოდოლოგია და ძალისხმევა, რომლის დროსაც სკოლისადმი, სასწავლო პროცესისადმი სიყვარული და მოტივაცია თითოეული მათგანისათვის მომავალი ცხოვრების გზისმკვლევია გახდება. თუმცა ეს მათი პასუხისმგებლობა და მოვალეობაა და როგორც დასაწყისში ითქვა დაუძლეველი და მიუღწეველიც არაფერია...

როგორ მართავს დღეს ბარდუბნის საჯარო სკოლას, პანდემიით გამოწვეული სირთულეების პირობებში ახალი დირექტორი? პასუხი ასეთია: „სკოლაში წარმატების მიღწევის საწინდარი, ძირითადი საყრდენი პედაგოგიკაა. დირექტორი მარტო ვერაფერს გააკეთებს თუ პედაგოგები სათანადო მონოდების სიმალდევ არ იქნებიან, ამიტომ ისინი რომ გამოვყვე უნდა უნდოდე, მოწონდე და მოგყვებოდნენო, ამბობს. ბარდუბნის სკოლაში არიან დიდი გამოცდილების მქონე პედაგოგები, თითოეული მათგანი კარგად ართმევს თავს დაკისრებულ მოვალეობას. ჩვენ ყველამ ერთად შევქმელით საქმიან პერიოდში დისტანციური სწავლების მიღმა არ დაგვრჩენოდა არც ერთი მოსწავლე. შეიძლება ითქვას, რომ გვექონდა 100%-იანი ჩართულობა. სოციალურად დაუცველ ოჯახთა რამდენიმე ბავშვს სკოლამ განსაკუთრებული პირობები შეუქმნა“.

დირექტორი ხაზგასმით აღნიშნავს, რომ ამ პროცესში აგრეთვე დიდი როლი შეასრულეს ოჯახებმა, მშობლებმა. თუ ბავშვს არ ექნებოდა ტექნიკური საშუალება და მათი მხრიდან არ იქნებოდა დახმარება, თვალყური და კონტროლი ბავშვებზე, ეს პროცესი ეფექტურად ვერ შედეგობდა.

„სკოლაში ელექტრონული ჟურნალი ამოქმედდა და უკვე იქცა ჩვენს რუტინულ საქმიანობაში საჭირო კომპონენტად, ის აუცილებელია, თუმცა დასახვეწი. ჩვენი სკოლის პედაგოგები ყურადღებით, მონდომებით და პროფესიული თვალსაზრისით იყენებენ დანერგილ სიახლეებს, ასე რომ არც მომავალში გავვიჭირდება ელექტრონულ ჟურნალში მუშაობა, ამბობს დირექტორი.

ზემოთაღნიშნულის მიუხედავად, როგორც საგანმანათლებლო სფეროს წარმომადგენელთა უმრავლესობას, გულოს მიაჩნია, რომ სწავლება, ტრადიციულად, საკლასო ოთახებში ჩვეულ ვაერემოში შეუცვლელი პროცესია.

გარდა იმისა, რომ სკოლაში დასწრებით სწავლებას მეტი ეფექტი და შედეგიც აქვს, სკოლას ხელწინაა მოსწავლეებს შესთავაზოს შემეცნებითი თუ გასართობი აქტივობები, შეხვედრები, პრეზენტაციები, როცა ბავშვებს ეძლევათ საშუალება განვითარდნენ, გამოავლინონ თავიანთი შესაძლებლობები, გახდნენ უფრო თავდაჯერებულები და გარკვეული ნაბიჯები გადადგან დამოუკიდებლობისაკენ...

სკოლა სხვა ურთიერთობების მოსწავლეებს...

სკოლა უნდა იყოს საზოგადოებისათვის გახსნილი, იქ მიმდინარე პროცესები—საჯარო, შეხვედრენ გამოჩინილ ადამიანებს, მწერლებს, მხატვრებსა თუ ხელოვნების სხვა დარგის წარმომადგენლებს. ერთი სიტყვით, სკოლამ უნდა შეძლოს მოსწავლის ბიოგრაფიაში ჩანეროს ისეთი ფურცელი, რომელიც ცხოვრების მანძილზე ემასხვრებათ და ხელს შეუწყობს მათ ღირსეულ პიროვნებად ჩამოყალიბებაში.

ეს ყველაფერი ალბათ მას შემდეგ გახდება შესაძლებელი, „ეპიდპანდემიის“ საშიშროება რომ დაგვტოვებს...

მანამდე კი... მანამდე მოსწავლეებმა „ონლაინ“ საახალწლო

ლონისძიებაში მიიღეს მონაწილეობა, შემდეგ, როცა სკოლაში დადიოდნენ და სწავლა ჩვეულ რეჟიმში მიმდინარეობდა საგანაფხულო კვირეული მოაწყვეს დიდი სიფრთხილითა და რეგულაციების დაცვით, დედის დღე და 8 მარტი ლამაზი ღონისძიებითა და ყვავილებით მიულოცეს ქალბატონებს. პატივი მიაგეს 9 აპრილს დაღუპულთა ხსოვნას, ხოლო დედადღის დღე სკოლამ, თითოეულმა კლასმა საზეიმო ვითარებაში აღნიშნა... ახლა სააღდგომო დღესასწაულისათვის და დამოუკიდებლობის დღის აღსანიშნავი ღონისძიებისათვის ემზადებიან... თუ ყველაფერი კარგად იქნა, ანუ პანდემიამ ახალი შემოტევით ხელი არ შეუშალათ სტუმრებსაც მოიპატიუებენ...

დირექტორმა მადლიერებით აღნიშნა, რომ სკოლას აქვს ბიბლიოთეკა, რომელიც ან გარდაცვლილი ყოფილი დირექტორის, რამაზ ბარდაველიძის და მისი ასევე გარდაცვლილი 23 წლის შვილის მარიამის სახელზე ოჯახმა საკუთარი ხარჯებით გაუკეთა. ბიბლიოთეკას პირველი საჩუქარი წიგნების სახით საქართველოს პარლამენტის ეროვნული ბიბლიოთეკის დირექტორმა, გიორგი კეკელიძემ თვითონ ჩამოუტანა და უსახსოვრა, შემდეგ მუნიციპალიტეტის განვითარების რესურსცენტრმა და სხვებმა...

საფიქრალ-საზრუნავი და საკეთებელი თავზე საყრელი აქვს დირექტორს, პედაგოგიკის და საკუთარი შესაძლებლობის იმედით, საერთო საქმის სიყვარულით, ქვეყნის მომავალი თაობის სიყვარულით უსათუოდ მიაღწევენ მიზანს, ამიტომაც სიძნელეების არ ეშინია...

სკოლის დირექტორის პირველი ნაბიჯები გადადგმულია, თუმცა ეს მხოლოდ დასაწყისია... ბარდუბნელ მოსწავლეებსა წინ უამრავი ლამაზი დღე ელოდებათ.

დირექტორის გეგმებიდან გამომდინარე და გამომდინარე იქედან, რომ ენერგიული, ინიციატივანი და მიზანდასახული ქალბატონისათვის, როგორც თვითონ ამბობს, მიუღწეველი არაფერია, სოფელს ნამდვილად გაუმართლა, რომ მათ შვილებს, შვილიშვილებს და ა.შ. სასკოლო ცხოვრება იმაზე უფრო ნაყოფიერი, შინაარსიანი და საინტერესო ექნებათ, ვიდრე წარმოუდგენიათ.

გზია ცაიფურიშვილი

„მე ვხედავ მზეს“ ...

ამ დღეებში, კულტურის სახლის დარბაზში, ძვერის საჯარო სკოლის თეატრალურმა დასმა ახალი სპექტაკლის პრემიერა გამართა. ამჯერად მაცურებელთა წინაშე ნოდარ დუმბაძის „მე ვხედავ მზეს“ წარმოადგინა...

ვიდრე სპექტაკლი დაიწყებოდა შეკრებილ მაცურებლებს მიესალმა სკოლის დირექტორი, მანუჩარ ფანშულიძე, მან ბოდიში მოუხადა საზოგადოებას, რომელთა მონაწილეობა პრემიერაზე ვერ მოხერხდა პანდემიის რეგულაციებიდან გამომდინარე. ისაუბრა სკოლის თეატრზე, რომელიც 8 წელია მუშაობს და ახალ-ახალი სპექტაკლებით ასაზრდოებს მაცურებლებს. მიუხედავად იმისა, რომ თეატრ

ალურ დასში „მსახიობები“ ყოველწლიურად იცვლებიან, ახლები ისევე დიდი გატაცებით და ერთუზიანებით ირგებენ როლებს, როგორც მათი წინამორბედნი... მან მადლიერება გამოხატა რეჟისორის ამირან (ტატო) პატარიძის მიმართ და აღნიშნა, რომ სკოლის თეატრალური დასის წარმატებას სწორედ მისი პროფესიონალიზმი და ნორჩ „მსახიობებთან“ მუშაობის განსაკუთრებული მეთოდი განსაზღვრავს...

მანუჩარ ფანშულიძემ მადლიერებით მოიხსენია აგრეთვე სკოლის კურსდამთავრებული, ამჟამად ბიზნესმენი მალხაზ გიორგაძე, რომელიც გვერდით უდგას სკოლას და მისი ფინანსური მხარდაჭერით არაერთი



სპექტაკლის დადგმა გახდა შესაძლებელი. და ბოლოს მადლობა გადაუხადა სპექტაკლის ყველა მონაწილეს და წარმატება უსურვა.

ძვერის სკოლას, მის თეატრალურ დასს მორიგი პრემიერა მიულოცეს და წარმატებები უსურვეს მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ბატონმა გურამ თურქაძემ და მუნიციპალიტეტის განათლების რესურსცენტრის ხელმძღვანელმა ქალბატონმა ქეთევან შეყრილაძემ.

ნოდარ დუმბაძის თითოეული ნაწარმოები და მათ შორის „მე ვხედავ მზეს“ ყველასათვის, მიუხედავად მათი ასაკისა, საყვარელი და ახალბედა. მათში ყველაფერი ცხოვრებისეული, ღირებული და დიდაქტიკუ-

რია, ამიტომაც ახალბედა ნორჩი „მსახიობების“ მიერ ძალზე კარგად და შთამბეჭდავად იყო ეს ყველაფერი აღქმული და ნაჩვენები...

არ არის ნამდვილად ადვილი სპექტაკლის დაწყების პირველი ნუთიდან, პირველივე სურათიდან, ანუ როცა სოფელს ზარების რეკვიმ ომის დაწყების თავზარდამეკვი ამბავი აუწყა, დასასრულამდე 9

ს უ ლ თ ა თ ა ნ ა

მართლმადიდებლური აღდგომის მეორე დღე, მიცვალებულთა მოსვენების, საფლავთა კურთხევის დღეა. ამ დღეს ვიგონებ ჩვენს გარდაცვლილ ახლობლებს, მეგობრებს და არა მარტო მათ... ვიგონებთ და პატივს მივამბობთ ადამიანებს—მათ, ვინც გამორჩეული კვალი დატოვა ცხოვრებაში, ვინც ქვეყნის ერთგული კაცი იყო და მისი მემკობრეც, ვინც დღემდე მოიტანა ჩვენი ენა, მამული და სარწმუნოება...

გაზეთი „თერჯოლა“ იხსენებს იმ ადამიანებს, რომლებმაც თავი დაგვამახსოვრეს თავიანთი კეთილი საქმეებით, სამშობლოსადმი მსახურებით და რომლებიც არაერთხელ მოხვედრილან ჩვენი გაზეთის ფურცლებზე, როგორც წარმატებული პიროვნებები, ახლა კი, მარადიულ სასუფეველში განისვენებენ. არდავინყვება მათ სახელებს...

„ძნელია ქართველობა“ ბოდიშით, გარდაცვლილ მეგობრებო

„ძნელია ქართველობა“-ო ათქმევინა ჭაბუა ამირეჯიბმა დათა თუთაშხიას. ქართველობა რომ ძნელია, კიდევ ერთხელ დაგვარწმუნა პანდემიამ. ერთმანეთის გვერდში დგომა ჭირსა და ლხინში, ჩვენი ადათ-წესი და მოვალეობაა. გვახსოვს როგორ პატივს მივამბობდით გარდაცვლილებს. დასაფლავების დღეს, პირველი მანქანა რომ სასაფლაოზე იყო, ბოლო მანქანა ჯერ კიდევ გარდაცვლილის ეზოში იდგა. იმდენი ყვავილი გროვდებოდა, ერთი საათი ცერემონიალს სჭირდებოდა.

ერთ წელზე მეტია პანდემიის გამო ურთიერთობის და თანადგომის გამოხატვას ვეღარ ვახერხებთ, ვერ ვნახულობთ ავადმყოფებს, ვერ ვესწრებით პანაშვიდებს და დასაფლავებებს.

მომენატრა ადამიანები, მათთან საუბარი, ახლის მოყოლა, ძველის გახსენება, ხელის ჩამორთმევა, მოკითხვა-მოფერება. სწორედ ამ ურთიერთობის გამოც არის გამორჩეული ჩვენი ქვეყანა, ხალხი და განგვახსენებებს სხვა ქვეყნებისა და ხალხებისაგან. ერთმა თერჯოლელმა, დროებით ამერიკაში მცხოვრებმა, რომელსაც საერთო მეგობრის დასაფლავებაზე შევხვდი რამდენიმე წლის წინ, სიტყვამ მოიტანა და თქვა—ერთ სართულზე მცხოვრებნი ისე იბადებიან და კვდებიან, ერთმანეთს არ იცნობენო.

ბედნიერია ეს ხალხი და უბედურიც. ჩვენ ლამის გადავიტანა ერთმანეთის დარღმა და იმანაც, რომ გვერდით ვერ დავუდევით უახლოეს ოჯახებს. ხალხმრავლობის შეზღუდვის, შიშის, მისვლა-მოსვლის სიძნელეების გამო, ბევრ გარდაცვლილს ვეღარ ვხედავთ თუ მეგობარს ვერ მივამბობთ ღირსეული პატივი, ვერ დავიტირეთ ისინი, ყვავილი ვერ მივუტანეთ, ოჯახს კი ვერ დავუდევით, ტკივილი ვერ შევუმსუბუქეთ, არა და რა შევებაა, როცა ვითანაგრძნობენ.



ციალა ლიშვაშვილი



ამირან ჩხიკაშვილი



თამაზ ცხადაძე



კაბა კუტიკაშვილი

გაზეთის მეშვეობით კი გამოვხატეთ გარდაცვლილებისადმი პატივისცემა, ოჯახებს სამძიმარი გამოვუცხადეთ, მაგრამ ეს არ არის საკმარისი, ბევრი ისე წავიდა არც გაგვიგია და ბოდიში ჩვენი გარდაცვლილი მეგობრების: ია ბუცხრიკიძის, ინეზა ზამთარაძის, ციალა ლიშვაშვილის, დოდო კაპანაძის, დათო არაბიძის, ამირან ჩხიკაშვილის, თამაზ ცხადაძის, კაბა კუტიკაშვილის სულელებს... ბოდიში მათი ოჯახის წევრებს, ჩვენს მეგობრებს.

რედაქციის თანამშრომლები, სხვადასხვა დროს, ერთად ან ცალ-ცალკე მივალთ მათ საფლავებთან, მანამდე კი კიდევ ერთხელ ვავიხსენებთ.

ფოტო: ცხადაძე

ინეზა ზამთარაძე

არ შეიძლება, თვალში არ მოგხვედროდათ მისი გამორჩეულად უზადო სილამაზე, კდემამოსილება, დადიოდა და თან გაზაფხულს დაატარებდა, გულგრილს არ დატოვებდა, თვალს გაგაყოლებინებდა...

თუმცა ინეზა ზამთარაძის ფიზიკურ მომხიბვლელობას სულიერი სილამაზე სჭარბობდა:

კეთილშობილი, ფაქიზი სულის, ერთგული, გონიერი, დახვეწილი, გემოვნებიანი ქალბატონი, ზნეობისა და ეთიკის მაგალითი...

დიდხანს უნდა ელამაზებინა გარემო, დიდხანს უნდა მიენიჭებინა უამრავი ადამიანისთვის ბედნიერება, ენილადებინა მისთვის ჩვეული სიტბო, დიდხანს უნდა ეკეთებინა საყვარელი საქმე, რომელიც არაჩვეულებრივად გამოსდიოდა.

ახალგაზრდა ასაკში დაგვტოვა და თან გაიყოლა ბევრი ცრემლი, ტკივილი, მონატრება...

ტირის ყველა, იხსენებენ ინეზა ზამთარაძის მიერ ღირსეულად განვლილ წლებს, მხოლოდ სიყვარულით, გულისხმიერებით, ერთგულებით, სიკეთითა და სიტბოთი დახუნძოლულს...

ძნელია, დაიჯერო, რომ ჩვენ გვერდით აღარაა, მას ხომ ძალიან უყვარდა სიცოცხლე, ბედნიერება, რომელიც არ აკლდა.

ღმერთისგან მომადლებული ყოველი წამისთვის უფალს მადლობას სწირავდა. დაგვაკლდებოდა ძალიან მისი გონივრული სიტყვა, განონანსორებული და თბილი...

უფალს ებარებოდე ჩვენო ძვირფასო ქალბატონო! ადამიანები მიდიან, მოდიან, ყოველი იძვრისი ღმერთსავე ბარდება, სიკვდილიც არაბრტოვდენ სიკვდილი როდია, შეუცნობელია კაცთაგან განგება.

ნეტართა ხვედრია ცათაგან მიხვევა,



სულ დიდთა ხვედრია, ღმერთია თავდებად, სიკვდილის მერე რომ სიცოცხლე იწყება, სიცოცხლე, რომელიც არასდროს მთავრდება.

სიბ გურამ ქარქაშაძის სახელობის სოფელ ღვანკეთის საჯარო სკოლის პედაგოგიური კოლექტივი

დათო არაბიძე

ავად გათენდა 2020 წლის 26 ნოემბერი. ელვის სისწრაფით გვერცელდა ხმა ენრის საჯარო სკოლის დირექტორის დათო არაბიძის გარდაცვალების შესახებ. მწუხარებამ დაისადგურა არა მარტო ოჯახში, არამედ მის ნაცნობ-მეგობრებში, პედაგოგიურ საზოგადოებაში, მთელ რაიონში.

მეც ერთი იმათაგანი ვარ, რომელმაც საუკეთესო „ძმა“ და მეგობარი დაკარგა, „სობის სიძეს“ ვეძახდით. მომტაცა მშვენიერი თანამშრომელი ნარგიზ ურიადემყოფელი და ენრის „გზას გაუყენა“. მანამდე ათასჯერ გვყავდა გაკითხულ-გამოკითხული, გვიქებდნენ, პედაგოგი კაცი ცუდი რატომ იქნებოდა და „დავთანხმდეთ თქვა“ ვამბობდით ისე, თითქოს ვინმე რამეს გვეკითხებოდა.

და შეიქმნა ბედნიერი ოჯახი, წლებმა მათ სიყვარულს ვერაფერი დააკლო, პიროქით, ხასიათის, საქმიანი თუ მორალური თვისებების უკეთ გაგება, ერთად შრომა-კეთებამ, განამტკიცა ეს სიყვარული... მერე შვილები გაჩნდნენ:

გიორგი, ცოტნე, დათო სკოლის დირექტორად დანიშნეს, უყვარდა პედაგოგიურ კოლექტივს, მოსწავლეებს, მშობლებს, სოფელს.

უნდა ვავიხსენო—პენსიაზე გააცილეს რამდენიმე პედაგოგი, არ მინდოდა ღვანკეთში სუფრაზე წასვლა—სიქთარვაში ჩამოსვლა დავაპირე, ავტობუსის მძღოლს უთხრა—არ გააჩერო, იქედანაც მე წამოგიყვანო, დამამედა. შენ დათობამდე სუფრასთან რა გამაჩერებს თქვა ვუთხარი და როცა მსგავსად გაზეთში დაწერე „გადარეული“ იყო, მოვკლავო—იძახდა თურმე.

ნადრევედ წავიდა დათო არაბიძე, დატოვა მოხუცი დედა, რომელიც ახლახან გარდაიცვალა, მეუღლე, შვილები. დათოს უფროსი შვილი გიორგი სტუდენტია, ცოტნე მოსწავლე, სწორედ ამ ასაკში სჭირდებოდათ მათ მამის ძლიერი ხელი და ყურადღება, მაგრამ ბიჭები ჭკვიანები არიან, დედის ფრთებქვეშ და ღირსეული მამის გადიდებულ სურათთან დაფუკაცდებიან „უღელი ბიჭები“

კაცი, რომელიც შვენოდა კუთხეს და ქალაქს

არიან ადამიანები, რომლებიც „დიდ სოფელში“ წასვლის შემდეგ დიდხანს რჩებიან ნაცნობ-მეგობრების მესხიერებაში. სამეზობლოდან ჩემთვის (და არა მარტო) ასეთთა რიცხვს მიეკუთვნება ზაურ გაბრიჭიძე. ვერაფრით ვერ ვიჯერებ, რომ ის ამქვეყნად აღარ არის. სულ მეონია, დილით აი ახლა გამოალებს ჭიშკარს, პენსიანად ჩაცმული (თეთრი ქათქათა პერანგი უხდებოდა ძალიან) მიაშურებს გარაჟს, გამოიყვანს თავის თეთრ ვოლგას და წელი სვლით მიაშურებს სამსახურს. ვისაც კი დაეარება გზად ყველას მიიპატიჟებს მანქანაში და თითოეულს თავის სამსახურამდე მიიყვანს...

ღინჯი, ღრმად ერუდირებული, თავისი საქმის პროფესიონალი კუთხემეზობლის გამოკითხავი და ხელის გამმართველი ჭირსა და ლხინში. აი, ასეთად დაგვამახსოვრა მან თავი და როცა რაიმე სახის სუფრაზე მარადიულ სასუფეველში გადასახლებულთა მოსაგონარი შეისმება—ზაურ გაბრიჭიძის თამალობით დასძენენ უმაღ. ხელმძღვანელი მუშაკის ეტალონი იყო, ოსტატობით დაიწყო და ავტოსატრანსპორტო საწარმოს დირექტორი გახდა. მისი მალალი სიტყვა არ ახსოვთ მის თანამშრომლებს, სადაც კი იღწვოდა, ყველას შეაყვარა თავი. გამარჯობა არ გქონდა ნათქვამი, ხომ არაფერში ვარ საჭიროო გკითხავდა. აქტიურად იყო ჩაბმული რაიონის აღმშენებლობაში, პატარა თუ დიდი საქმე მისი მონაწილეობის გარეშე არ ვაკეთებოდა. პარალელურად ფეხბურთელთა გუნდ „საპოვნელას“ კურატორობდა, საკმაოდ წარმატებით გამოდიოდა გუნდი საქართველოს პირველობაზე და ამაში ზაურ გაბრიჭიძის ლომის წილი იყო. მის დროს გახდა „საპოვნელა“ უმაღლესი ლიგის ბინადარი.

ღირსეული ოჯახის მამა იყო. შესანიშნავ ქალბატონ მზიასთან ერთად 3 სამაგალითო ვაჟი აღუზარდა მამულს. ზაურ გაბრიჭიძის სიცოცხლე მის შთამომავლებში გრძელდება.

ღმერთმა ნათელში ამყოფოს მისი სპეტიკი სული.

ი. არაბი

და შეისმენენ დედის დარიგებას, გაუფრთხილდებიან და დარდს შეუმსუბუქებენ, არასოდეს შეარცხვენენ მამის სახელს და საფლავს.



დათო მეგობრობდა რედაქციულბთან. უყვარდა ჩვენი გაზეთი, დათო ჩვენც დაგვაკლდა.

წავიდა ეს მთასავითი კაცი და მრავალთა გულში სევდა დატოვა, გვიღის წლები, ამ სევდას მოერევა ოჯახი, თაობიდან თაობას გადაეცემა, რომ იყო ერთი კარგი კაცი—მათი დიდი წინაპარი...

შუშუნა ცხადაძე



ს უ ლ თ ა თ ა ნ ა

ია ბუცხრიკიძე— უსაზღვრო ტკივილი და სევდა

ძნელია ცრემლებისა და გულსტიკვილის გარეშე წერო ქალბატონზე, რომელიც სიკეთით, სიყვარულით, მშვენიერებით ავსებდა სამყაროს და მას გახსენება უნდა დაარქვა. სამწუხაროდ ეს რეალობაა...



ია გონერის ასული ბუცხრიკიძე 1973 წლის 8 მაისს დაიბადა თერჯოლის რაიონის სოფელ ახალთერჯოლაში. 1990 წელს დაამთავრა ახალთერჯოლის საშუალო სკოლა, ხოლო 1995 წელს ქალაქ ქუთაისის ჰუმანიტარულ-ეკონომიკური ინსტიტუტი „ჯანმრთელობის დაცვის ეკონომიკის, ორგანიზაციისა და მართვის“ სპეციალობით.

შრომითი საქმიანობა დაიწყო 1990 წლიდან, მუშაობდა თერჯოლის აგრომრეწველერგოში, ჰუმანიტარულ ორგანიზაცია „კათარზისში“, ქონების მართვის თერჯოლის რაიგანყოფილებაში ბუღალტრად, თერჯოლის მუნიციპალიტეტის საკრებულოსა და გამგეობაში სპეციალისტად, მთავარ სპეციალისტად.

1998 წელს შექმნა ოჯახი ტარიელ ფანშულიძესთან ერთად. 2004 წელს შეეძინათ ქალიშვილი ანა ფანშულიძე.

სამაგალითო მეუღლე და დედა, ოჯახის დიასახლისი, ნაცნობ-მეგობრების, მეზობლების თანამდგომი, სიცოცხლით და ენერჯით სავსე ქალბატონი 2020 წლის 13 დეკემბერს სამედიცინო დაწესებულებაში კორონავირუსის პანდემიამ იმსხვერპლა...

არ არსებობს სიტყვა, საშუალება, რომელიც მშობლებს, მეუღლეს, შვილს, ახლობლებს შეუმსუბუქებს იას არყოფნით გამოწვეულ გლოვასა და ვარაშს, ქალბატონი, რომელიც აძლიერებდა და აღამაზებდა ოჯახს, იმედითა და სიხარულით ავსებდა მის ირგვლივ მყოფ ადამიანებს დღეს უდიდეს ტკივილად და მონატრებად იქცა... ძნელია და ამაოა ასეთ შემთხვევაში ნუგეში, თანაგრძნობა.

იამ ცოტა, ძალზე ცოტა, მხოლოდ 47 წელი იცხოვრა, მაგრამ ნათელი, კეთილი კვალი და დიდი სიყვარული დატოვა არაჩვეულებრივი ქალური ღირებულებებით და ზნეობრივი თვისებებით...

უფალმა დაუმკვიდროს სასუფეველი ცათა შინა.

მზია ცაიფურიშვილი

დოდო კუბლაშვილი-კაპანაძე

...თერჯოლას ახსოვს ქალბატონი დოდო, ოჯახზე, მეგობრებზე, საქმეზე, რაიონზე შეყვარებული, გულმართალი, პატიოსანი, იმედიანი. თერჯოლის ცენტრალურ ავთიაქში მუშაობდა ფარმაცევტად, მაღალკვალიფიციური თანამშრომელი ჰყავდა რევაზ ისაკიჩს, რომელიც დიდ პატივს სცემდა ქალბატონ დოდოს, ეიმედებოდა და ენდობოდა. შრომობდა, ქმნიდა, აკეთებდა, გვერდში ედგა ძვირფას მეუღლეს, ბატონ გოგის და მოაწყვეს ოჯახი, თავს ევლებოდნენ შვილებს, ზრდიდნენ სიყვარულით და უწერგავდნენ მათ საუკეთესო თვისებებს. მერე გაჭირდა ცხოვრება და წავიდა ქალბატონი დოდო იტალიაში, იქაც გამოადგა პროფესია, განათლება და კულტურა. ვინც გაიცნო, ყველას უყვებოდა სამშობლოზე, მის ღირსეულ წარსულზე, იმაზე, რომ გაჭირვება დროებითია. ოჯახის ნატრული იყო და ყოველი ჩამოსვლა დღესასწაული. უცხო ქვეყანაში და შრომაში გავიდა რვა წელი, მერე ჯანმრთელობა შეერყა, ავადმყოფი სახლში ჩამოიყვანეს და იდგა მის სანახავად და მოსაკითხად მისული მრავალი ნაცნობი, მეგობარი, ნათესავი, ყველა ისე ედგა გვერდში ბატონ გოგის და მის შვილებს, როგორც შეძლო.



მერე გარდაიცვალა და დატოვა დიდი ტკივილი არა მარტო ოჯახში, არამედ ყველა იმ ადამიანში, ვინც კი იცნობდა.

დოდოს საფლავი ახლა მონყობილია და მერე როგორ!

ყვავილი, სანთელი, გულზე დაქცეული ჭიქა ღვინო მას არასოდეს მოაკლდება. მეუღლე, შვილები, შვილიშვილები, ჩვენ, მეგობრები, სხვა ახლობელი ადამიანები არასოდეს დაივიწყებენ.


მაგრამ მაინც, სიკვდილი სევდაა, ადამიანად არყოფნის სევდა. მშვიდობით იყავი შენს სევდასთან და შენს მყუდრო ძილში. გემსუბუქოს მინა, რომელიც გულზე გაყრია.

შუშუნა ცხადაძე

ბუნების დაუღალავი მკვლევარი— დავით უკლება

„არ დავინწყება მოყვრისა, აროდეს გვიზამს ზიანსა“

დედაქალაქში დასტამბულ სქელტანიან ნიგნში, რომლის ავტორი გეოგრაფიის მეცნიერებათა დოქტორი პროფესორი კომპანაძე გახლავთ, საინტერესოდ არის წარმოდგენილი ფიზიკური გეოგრაფიის (ლანდშაფტმცოდნეობის) ალიარებული მკვლევარის, დოქტორის, პროფესორის, მეცნიერების დამსახურებული მოღვაწის, სახელმწიფო პრემიის ლაურეატის, ვახუშტი ბაგრატიონის სახელობის ორგზის ლაურეატის დავით უკლებას ცხოვრებისა და მოღვაწეობის ფრაგმენტები. ჩვენი გაზეთის მკითხველთა ინტერესს ისიც ზრდის, რომ საერთაშორისო სამეცნიერო წრეებში ალიარებული სწავლული ჩვენი რაიონის მკვიდრია. სოფელ ენერში დაიბადა 1919 წლის 27 დეკემბერს. იქვე მიიღო დაწყებითი განათლება, თბილისში კი დაამთავრა სახელმწიფო უნივერსიტეტის გეოგრაფია-გეოლოგიის ფაკულტეტი. სტუდენტობის წლებშივე აქტიურად იყო ჩართული სტუდენტთა სამეცნიერო წრეების საქმიანობაში. თანამშრომლობდა პრესასთან. ამ პერიოდს დაემთხვა დიდი სამამულო ომი. დავითმა ჯარისკაცული ცხოვრება დაიწყო. იბრძოდა ჩრდილოეთ კავკასიის ფრონტზე. გამოჩენილი საზრიანობისა და მამაცობისათვის ოფიცრის ჩინი დაიმსახურა და ბატალიონის ხელმძღვანელობაც დაეკისრა.



ომიდან დაბრუნების შემდეგ წარჩინებით დაამთავრა ასპირანტურა. მისი შემდგომი მეცნიერულ-კვლევითი მოღვაწეობა უკავშირდება საქართველოს მეცნიერებათა აკადემიის, ვახუშტი ბაგრატიონის სახელობის გეოგრაფიის ინსტიტუტს. ამასთან ერთად, უწყვეტი კავშირი ჰქონდა უნივერსიტეტის სასწავლო-პედაგოგიურ საქმიანობასთან. მნიშვნელოვანია მხარეების ბუნებრივი პირობებისა და რესურსების კვლევა რაციონალური ბუნებათსარგებლობის თვალსაზრისით. ამ პრობლემას მეცნიერმა 150-მდე შრომა მიუძღვნა. მათგან 130-ზე მეტი დაბეჭდილია ინგლისურ, ფრანგულ, პოლონურ და რუსულ ენებზე. მათ შორის 6 მონოგრაფიაა.

ბატონ დავითს დიდი დამსახურება მიუძღვის ტიპოლოგიური გეოკომპლექსების—სხვადასხვა ტაქსონომიური რანგის ლანდშაფტების კარტირება-შესწავლაში. მან ვახუშტი ბაგრატიონის სახელობის ინსტიტუტში დააარსა ლანდშაფტმცოდნეობის განყოფილება და აღზარდა კვალიფიციური კადრები.

მისივე უშუალო ხელმძღვანელობითა და მონაწილეობით პირველად შეიქმნა საქართველოს ფერადი ლანდშაფტური რუკა ქართულ და რუსულ ენებზე.

მეცნიერის ლანდშაფტური გამოკვლევების ორბიტა გასცდა საქართველოს ფარგლებს. მის მიერ დამუშავებული ლანდშაფტური კვლევის მეთოდის საფუძველზე, მისივე ხელმძღვანელობითა და უშუალო მონაწილეობით შედგენილ იქნა ამიერკავკასიის პირველი

საშუალო მასშტაბიანი ფერადი რუკა, რომელიც მოსკოვში გამოიცა.

რუკის შედგენაში მონაწილეობდნენ აზერბაიჯანის, სომხეთის და საქართველოს მეცნიერებათა აკადემიების შესაბამისი დანესებულებების წამყვანი მეცნიერები. რუკის შედგენის მთელი სიმძიმე ბატონ დავითს ანვა მხრებზე. სწორედ მას მოუხდა რეგიონის მთა-ბარის საექსპედიციო შესწავლა და ცალკეულ დანესებულებებში არსებული მასალების გაანალიზება: რუკაზე ასახულია სხვადასხვა ტაქსონომიური რანგის 220-ზე მეტი გეოკომპლექსი. ეს რუკა საგრძნობლად უადვილებს სპეციალისტებს მეურნეობის რიგი დარგების ტერიტორიულ დაგეგმარებას. ამიერკავკასიის ლანდშაფტური რუკა პირველი ფერადი ლანდშაფტური რუკა იყო ყოფილი საბჭოთა კავშირის ფარგლებში და იგი თავის დროზე დიდი სამეცნიერო გეოგრაფიული ცენტრების გამოჩენილი გეოგრაფიულ ლანდშაფტმცოდნეების მიერ მაღალი შეფასებით აღინიშნა.

ასევე, მნიშვნელოვანი იყო საშუალო სკოლებისათვის საქართველოს ბუნებრივი ზონების რუკის შედგენა.

საგანგებოდ უნდა გამოიყოს მონოგრაფია „საქართველოს ანთროპოგენური ლანდშაფტები“, რომელშიც ღრმა მეცნიერული ანალიზია მოცემული ადამიანისა და ბუნების ურთიერთზემოქმედების შედეგებზე. დადგენილია ანთროპოგენური ლანდშაფტების მოდიფიკაციის სრული სურათი. გამოთქმულია მეცნიერულად დასაბუთებული მოსაზრებანი ლანდშაფტების აღდგენის, დაცვისა და რაცი-

ონალური გამოყენების თაობაზე.

დიდად ნაყოფიერი იყო მეცნიერის მოღვაწეობა ქართული ენციკლოპედიის შედგენაში. ის 20 წლის განმავლობაში შეთავსებით მუშაობდა დედამიწის შესწავლულ მეცნიერებათა განყოფილებაში უფროს მეცნიერ-რედაქტორად. აღწერა და გამოაქვეყნა მრავალი საენციკლოპედიო სტატია და რედაქტირება გაუკეთა გეოგრაფიულ სტატიებს.

ბატონი დავითი გეოგრაფიის დარგის მრავალი მონოგრაფიის, უმაღლესი და საშუალო სკოლების სახელმძღვანელოების, შრომათა კრებულების რედაქტორი გახლდათ.

განსაკუთრებით აღსანიშნავია, ამ მხრივ კავკასიის სამტომად შედგენილი ფიზიკურ-გეოგრაფიული დახასიათების რედაქტირება, გეოგრაფიული საზოგადოების შრომების კრებულის უცვლელი რედაქტორობა და სხვა.

უნდა აღინიშნოს ბატონი დავითის ლექციები უნივერსიტეტში, სადაც მან პირველმა შემოიღო ლექციების კურსის კითხვა „ფიზიკური გეოგრაფიის ძირითად პრობლემებზე“.

მრავალმხრივი იყო მეცნიერის საზოგადოებრივი საქმიანობა: ათეული წლების განმავლობაში იღვწოდა, როგორც საქართველოს გეოგრაფთა საზოგადოების სამეცნიერო საბჭოსა და საზოგადოების მუდმივი წევრი. იყო აზერბაიჯანის დაცვის სამეცნიერო საბჭოს წევრი. ასევე ყაბარდო-ბალყარეთის გეოგრაფიის ინსტიტუტის სამეცნიერო საბჭოს წევრი.

☞ 8

„ქრისტე აღსდგა მკუდრეთით
სიკუდილითა სიკუდილისა
დამთრგუნველი და საფლაგების
„შინა ცხოვრების მიმნიჭებელი“



აკადემიკოსი ზურაბ რობაქიძე—90

„გული ყოველთვის თერჯოლისკენ მომინევს“;
„თერჯოლა ჩემი ადგილის დედა“;
„ყველაზე მეტად აქ ვარ ბედნიერი“...

ეს არაერთხელ განუცხადებია ბატონ ზურაბს მალაღობრივი ტრიბუნდანაც, კერძო საუბარშიც. დიახ, ასეა, თერჯოლა მისი მუდმივი სასაუბრო თემაა.

თავის მხრივ, თერჯოლა ამაყია სახელოვანი შვილით. ეფერება და პატივს მიაგებს მას.

გვახსოვს 2016 წლის მაისი. თერჯოლის კულტურის სახლის ვრცელი დარბაზი პირთამდე სავსე სტუმარ-მასპინძლით.

ექიმისა და მეცნიერის დაბადებიდან 85-ე საიუბილეო წლისთავისადმი მიძღვნილმა საზეიმო საღამომ სრულად შეჭყარა აქ ინტელიგენცია, მუნიციპალიტეტის ხელისუფალნი, დედაქალაქელი სტუმრები, ადგილობრივი და მონღვეული კოლეგა-მეგობრები, დიდი და პატარა... რა თქმა უნდა, აქ იყვნენ ყოფილი პაციენტებიც, ბატონმა ზურაბმა რომ „შემოაბრუნათ“ აქეთკენ, „სააქაოსკენ“...

მადლიერებას მოეცვა ყოველი...

როგორ სწრაფად გარბის დრო. თითქოს გუშინ იყო ეს ყველაფერი, არა და... 90-ც მოსულა! ბატონო ზურაბ, არ გებევროთ, ასი უნდა დაგებოდო!

თქვენი თერჯოლა გეფერებოდა და გლოცავოდა. ოთხმოცდაათი რა არის, იმსახურებოდა ას-ოცსაც!

თქვენი ღვანლი, გარჯა, ფიქრი, იდეა სათქმელმა ვერ დაიტია.

თქვენთან მოდიან უიმედონი.

განკურნებულნი უკან მიდიან...

სთესავთ სიკეთეს გულუხვად, მოყვასნი რომ მოიპკიდიან —დამსახურება თქვენი დიდია.

რამდენი განკურნეთ მოკვდავი—არავინ იცის.

დამარცხებული სენი სადღაც კუთხეში სირცხვილით ინვის.

ჭრელ სტატისტიკას აერია დავთარი:

თქვენ უსასყიდლოდ გაეცით სისხლი მაღლით გამთბარი.

თქვენს სამყოფელში გაზაფხულია, ჯერაც შორია ზამთარი.

დაბეჯითებით აცხადებთ, რომ სისხლი უნდა იყოს წითელი.

მით უკეთესი, თუ მეტად გამუქდება—

სისხლს გათეთრება არ უხდება!

ტკბილი სიტყვა გიჭრით, გშვენით,

თერჯოლა ამაყია, ხარობს თქვენით.

სამშობლო გლოცავთ და სიყვარულს გჩუქნით საუკეთესოს.

როგორაც დღემდე სთესდით სიკეთეს

ასი წლის თავზეც ასე გეთესოთ.

პატივცემული მკითხველი: როგორც მოვიხერხე ისე ვიამბებთ, ყოველი სიტყვა ავიწონეთ, ოქრო და ვერცხლი იქით იყოს ბატონი ზურაბი—აქეთ, საპირწონედ!

ბატონო ზურაბ!

გამოგიტყდებით და თქვენზე წერა არ არის მარტივი.

მავრამ, ეს ნაბოძები ნდობა ჩემთვის არის დიდი პატივი.

აქედან გამომდინარე, გავრისკე და ვაკითხამაძლით,

—ასე, ფეხდაფეხ უნდა ვსდით ასი წლისთავამდე!

ნუგზარ ბაგჩრაძე

ბუნების დაულალავი მკვლევარი— დავით უკლება

7

„არ ღაპინყება მოყვრისა, აროდეს გვიზამს ზიანსა“

სათანადოდ იქნა დაფასებული თვალსაჩინო მეცნიერისა და მკვლევარის, თავისი ქვეყნის დიდი პატრიოტისა და მამულიშვილის დავით უკლებას მოღვაწეობა: მას მინიჭებული ჰქონდა საქართველოს მეცნიერების დამსახურებული მოღვაწის ნოდება, საქართველოს რესპუბლიკის სახელმწიფო პრემია, საქართველოს სასწავლო გეოგრაფიული ატლასის შედგენაში განუღებელი დიდი ღვაწლისათვის, მას ორგზის მიენიჭა საქართველოს გეოგრაფიული საზოგადოების უმაღლესი სამეცნიერო ჯილდო—ვახუშტი ბაგრატიონის სახელობის პრემია.

დავით უკლება მეცნიერულ კვლევებიდან ერთად მუდამ ენოდა პედაგოგიურ მუშაობას. წლების განმავლობაში კითხულობდა ლექციებს ივ. ჯავახიშვილის სახელობის თბილისის სახელმწიფო უნივერსიტეტში და სხვა უმაღლეს სასწავლებლებში. მან პირველმა შემოიღო ლექციების კურსის კითხვა „ფიზიკური გეოგრაფიის ძირითად პრობლემებზე“.

ცალკე აღნიშვნის ღირსია დავით უკლებას როგორც რედაქტორის ღვაწლი. იგი იყო სახელმძღვანელოების, მონოგრაფიების, საინსტიტუტო შრო-

ული ატლასის შედგენაში, რის გამოც მას, სხვა მეცნიერებთან ერთად, საქართველოს რესპუბლიკის სახელმწიფო პრემია მიენიჭა.

დავით უკლება მთარგმნელობით საქმიანობასაც ეწეოდა.

დავით უკლება შეყვანილია ამერიკის ბიოგრაფიული ინსტიტუტის მიერ 1998 წელს გამოცემულ ცნობარში „მსოფლიოს 5 ათასი ცნობილი პიროვნება“. ნიგნის ავტორი, ბატონი კობა ხარაძე დიდი სითბოთი უამბობს მკითხველს, რომ ბატონი დავითი იყო არაჩვეულებრივი პიროვნება, მშვიდი, სიკეთისა და სათნოების განსახიერება. საოცარი პიროვნული ღირსებებით დაჯილდოებული, კოლეგებისა და მეგობრებისათვის თავდადებული, ერთგული მეუღლე, საუკეთესო მამა და ბაბუა.

მის კოლორიტულ პიროვნებას დავიწყება არ უწერია.

დავით უკლება იკვლევდა საქართველოს მთიანი მხარეების ბუნებრივ პირობებსა და რესურსებს, აგრეთვე, რაციონალური ბუნებათსარგებლობის პრობლემებს. ამ საქმეს მან 200-ზე მეტი სამეცნიერო შრომა მიუძღვნა ქართულ და ევროპულ ენებზე.

აზრს, მიუხედავად იმისა, ემხრობოდა თუ არა მის მოსაზრებას.

დაიმსხვრა მითი, მკაცრი, პრინციპული, თავისი მოსაზრებების მტკიცე დამცველისა და



ავტორიტეტის მქონე ადამიანის მიღმა ჩემ წინ დიდბუნებოვანი, გულისხმიერი, აკადემიური და ზნეობრივი თვისებების მქონე ჭარმაგი მეცნიერი იდგა. იგი მაძლევდა რჩევებს... ვგრძნობდი მამაშვილურ დამოკიდებულებას, კეთილგანწყობას, ახალგაზრდა დამწყები მკვლევარისადმი კოლეგიალურ მიდგომას და მე ეს აღმაფრთოვანებდა.

წილად მხვდა ბედნიერება ბატონ დავით უკლებას მონაფე ყყოფილიყვი და მასთან მემუშავა. მას განგებისაგან ჰქონდა ბოძებული—ერთგულება საქმისა თუ მეგობრისადმი უანგარობა, კეთილშობილება.

იგი იყო ჭეშმარიტი ინტელიგენტი.

ნამდვილად გამიმართლა, რადგან მისი სახით ცხოვრებისეულ გზაზე შევხვდი ჩემს მასწავლებელს, სამეცნიერო ხელმძღვანელს ბატონ დავით უკლებას, ადამიანს, რომელთანაც მუშაობა და უბრალო ურთიერთობაც კი უდიდესი პატივი იყო თითოეული ჩვენგანისათვის.

წიგნში ჩართულია კოლეგასწავლულების (ზურაბ სეფერთელაძე, გელა მარგველიანი, ეთერ დავითაია, ოთარ ჩხეიძე, დალი ნიკოლაიშვილი, ელენე სალუქვაძე, ნუგზარ არჩვაძე, ეთერ ლოლუა, მარინა პერტუნავა) გულწრფელი სტრიქონები, რომლებშიც მოთხრობილია ღვაწლმოსილი მეცნიერის მოღვაწეობასა და ადამიანურ ღირსებებზე.

ასევე წარმოდგენილი არიან ბატონი დავითის შთამომავლები, რომლებიც ღირსეულად აგრძელებენ ოჯახურ ტრადიციებს.

და ბოლოს, დიდი მადლობა პროფესორ ბატონ კობა ხარაძეს, რომელმაც ჩვეული რუფუნებით, მეცნიერული სიღრმითა და აკურატულობით შექმნა და მკითხველს მიაწოდა სამაგიდო წიგნი გამოჩენილ ადამიანსა და მამულიშვილზე.

მომაზადა ნუგზარ იხსენაძე



დავითის მამა — ბაზო (გრიგოლ) უკლება და დედა — ფოტინე გეწაძე

მების, კრებულების, რამდენიმე ჟურნალის, მათ შორის განათლების სამინისტროს სამეცნიერო მეთოდური ჟურნალის „გეოგრაფიას“ შეუცვლელი რედაქტორი.

და უკლებას კალამს ეკუთვნის სამეცნიერო-პოპულარული ნაშრომი „ალაზნის ველი“, რომელიც დახმარებას უწევს მასწავლებლებს ახალგაზრდობას თავისი ქვეყნის ისტორიულ-გეოგრაფიული მხარის შიგნით კახეთის ბუნებრივი პირობების, რესურსების და ეკონომიკის შესწავლაში. ასევე ხატოვნად არის მოთხრობილი საქართველოს მდინარეებზე წიგნში „ჩვენი სამშობლოს ცისფერ გზებზე“.

მეცნიერს დიდი წვლილი მიუძღვის სასკოლო გეოგრაფი-

ბატონი დავითი იყო—უაღრესად რაფირინებული, თხემით ტერფამდე მეცნიერი და პედაგოგი და ამავდროულად ძალიან გულთბილი და მზრუნველი პიროვნება მისი თანამშრომლებისათვის. ადამიანებთან ურთიერთობებში ტაქტიკა და განონანსწორებულობით იყო გამორჩეული, ის არასოდეს გულს არ ატკენდა არავის და ყოველივე ამის გამო განსაკუთრებული პატივისცემითა და ავტორიტეტით სარგებლობდა კოლეგებსა და თანამშრომლებს შორის.

...კიდევ ერთხელ დავრწმუნდი, რომ განგებამ ისეთ დიდ ადამიანთან დამაკავშირა, რომელიც პატივს სცემდა სხვათა

„მე ვხედავ მზეს“ ...

5

მაყურებელი სპექტაკლის თანამონაწილედ აქციო, გაიყოლო, გააცინო, გაართო, დააფიქრო, ცრემლებიც დაადენინო და ბოლოს შთაბეჭდილებებით დატვირთო, მიუხედავად იმისა, თუნდაც მას იგივე ნაწარმოები ასჯერ და ათასჯერ ჰქონდეს ნაკითხული, ნანახი სპექტაკლი თუ კინოფილმი.

ერთი სიტყვით სხვა თვალთ დაახახო სამყარო...

ძვერის სკოლის თეატრალურმა დასმა ეს ნამდვილად შეძლო.

სპექტაკლი დაიწყო თუ არა აღმოჩნდა, რომ ეს ახალგაზრდები გამოუცდელეები კი არა და თურმე კარგი „მსახიობები“ არიან. ვერც გამოარჩევ რომელიმე როლის შემსრულებელს, თითოეული მათგანი იმდენად გულწრფელად, ემოციურად ანუ საუკეთესოდ წარმოადგენდა თავიანთ „გმირს“: სოსოიას—ლუკა სოფრომაძე, ხატიას—ხატია აბესაძე, ბეჟანას—გიორგი მეფარიძე, დათი-



მიზანიც მიღწეულია... და დაუჯერებელია ნამდვილად, რომ გარდა სამი მონაწილისა, ყველა დანარჩენი მსახიობი მაყურებელთა წინაშე პირველად იდგა სცენაზე...

პრემიერამ წარმატებით ჩაიარა...

მაყურებელთა რეაქცია, ემოციები და შთაბეჭდილებები კარგად აისახა იმ აპლოდისმენტებსა და შეძახილებში, რომელიც სპექტაკლის მსვლელობას ახლდა თან.



სკოლის დირექტორი მუდამ სიახლეთა ძიებაშია, იგი პედგოგულეტივთან ერთად ყველაფერს აკეთებს, რომ დღე საინტერესო იყოს როგორც შემეცნებითი, ასევე—გართობა-დასვენების თვალსაზრისით. სკოლაში გატარებული ყოველი დღე მოსწავლეებისათვის გარდა სასწავლო პროცესისა, არის მნიშვნელოვანი სიახლეების ზიარებისა, საუკეთესო გაკვეთილებია ესთეტიკური და ზნეობრივი აღზრდისა.

ბუნებრივია, ეს ყველაფერი სკოლის მოსწავლეებზე, მათ განვითარებასა და შესაძლებლობებზედაც აისახება. ისინი აქტიურად, თამამად და მიზანმიმართულად მონაწილეობენ სხვადასხვა ღონისძიებებში... ამის დასტური იყო სპექტაკლის პრემიერის დღეც...

ამის დასტურია ეს სამადლობელი სტრიქონები, რომელიც მშობელმა ნინო ფანჩულიძემ სოციალურ ქსელში დაწერა, გთავაზობთ მცირე ამონარიდს:

„...უდიდესი მადლობა მანუჩარ ფანჩულიძეს ბავშვების აღფრთოვანებისათვის, მათთან მეგობრობისათვის, სიყვარულისათვის, მათგან უდიდესია პატივისცემა თქვენდამი... მადლობა დიდ მეესტრო ტატო პატარიძეს, რომელმაც შეუძლებელი შეძლო ჩემი შვილების შემთხვევაში, მათ სპექტაკლში მონაწილეობის სურვილი გაუჩინა და მათი შესაძლებლობების რეალიზებას შეუწყო ხელი... მადლობა მალხაზ გიორგაძე, შენ, ამ ბავშვების ნიჭს რომ მიეცი საშუალება ეპოვათ სცენა და დაემსახურებინათ მაყურებლის მქუხარე ტაში. მადლობა ყველა მონაწილეს, მასწავლებელს, მშობელს და ძვერის სკოლას, სადაც ნიჭს აძლევენ გასაქანს... აქ ყოველი დღე საინტერესო და მნიშვნელოვანია... დღეები არაფრით არ ჰგავს ერთმანეთს... და დღეს ამ ათას პრობლემა მოხვეულ წუთისოფელში ღიმილიანი სახეებით ბედნიერება ზეიმობს“...

ჭეშმარიტად ასეა...

მზია ცქიფურიშვილი



აპრილის ავპირობა

მარტი თუ წინ გედოს ზამთარს ნურც აქებ, ნურც აძაგებო, ამბობდნენ ჩვენი ძველები. აპრილიც გავიდა, გასაკვირი არაფერია, აპრილი ავპირიო ეგეცაა ნათქვამი.

საფიქრალ-სადავიდარაბო მინის მეთარგე კაცს როდი აკლდა, მაგრამ წელს ნამეტანია. ამ დროს შარშან ყანები დახსულ-დათესილი იყო უმეტესი ნაწილი, ვაზი გამობარული ძირებში და გადახეივებული... ახლა ძალიან გვიანდება, არადა ადრე თუ არ ჩააგდე კაკალი მინაში, შემდეგ გვალვები წადგება და მოსავალს სათუოს გაგიხდის. ერთად რომ ექნება ყველას დასახნავ-დასათესი გაჭირდება ტრაქტორის შოვნა. ახლობელი შემეხმინა სოფლიდან, ამოდი ტრაქტორისტი მყავს შეპირებული და შენიც იქნებ დაახ-



ვნივინოო. დილაა, ჯერ მხოლოდ ჟინჟლავს, მაგრამ რა დროს მოალებს პირს ცა და დაუშვებს კაცმა არ იცის. არ ვარგა წვიმიანში დახსული, მინა დაიბრისკნება, ბალახი გადაიჯვჯილღებს, მაგრამ ვინ ჩივს, სხვა საშველი არაა. ჩავაგდოთ სათესური ხნულში და მერე რაც იქნება იქნებაო, ასე ფიქრობს ყველა. გზად მიმავლებმა დავინახეთ ფართობში „ბელარუსის“ ტიპის ტრაქტორი პირდაპირ ხნულში იყო გაჩერებული, როგორც ჩანს გაუფუჭდათ. მთელი ჯარი ეხვია ზედ, ზოგი ტექნიკის მცოდნე, ზოგი დახვნისთვის რიგში მდგომი. იმ ჩვენს ახლობელს სწორედ ეს მექანიზატორი ჰყოლია შეპირებული. იმ დღეს რაღას ვიზამდით, სხვა დროისათვის გადაიდო საქმე. უკან დაბრუნებულებმა ტრაქტორისტი მოვინახულეთ, შეწუხდა რომ დავვინახა, მაგრამ იქით დავანყნარეთ, რომ ვიცოდით რაშიც იყო საქმე.

კაცს რომ დავალაღატებ ერთი სიკვდილი ვკვდები, გვეუბნება დარცხვენილი, ყველას როგორ გინდა აუხსნა რა ჭირს ამ დალოცვილს. რკინაა, მარა მოძველდა და მასაც უნდა გაახლება. ახალ ნაწილს იყიდი შესაცვლელად, დააგებ და უცებ ისევ შესაცვლელია. „ზავადსკოი“ საღაა, კოოპერატივების გამოშვებულია, რა ხარისხი უნდა მოთხოვო. მეორეა და სანვავის ფასი სულ უფრო მაჭრის ლობს. იძულებული ვართ ჩვენც მოვუშვათო. რამოდენიმე წლის წინ ათას მეტრ ფართობს 15 ლარად ვამუშავებდით, ახლა 35-ს ვიღებთ. ტრაქტორს იმდენი აქვს ხარჯი, გაუფასურებული ლარის პირობებში, ესეც ცოტაა, მაგრამ სხვა გზა არ გვაქვს. უიმედობა ღმერთმა ნუ ქნას, დაიხვნება აბა რა იქნება, მაგრამ როდის, ესაა საკითხავი. ძალაუნებურად ნატრობ იმ დროს, როცა რაიონში არსებულ ყველა მეურნეობას საკუთარი პარკი ჰქონდა. აგერ, შიგ ქალაქში, მქანქანა-ტრაქტორთა სადგური რომ იყო (ემტეცის). რა მარკის ტრაქტორი გინდოდა, გამოიწერდი. მოვიდოდნენ, დაგინავდა და გითხვდნენ. თუ გაუფუჭდებოდა, დაურეკავდნენ, იქვე განდებოდა საავარიო ბრიგადები და უმალ შეაკეთებდნენ. მავანი და მავანი იტყვის ეგერაა, ბატონო ზესტაფონში, პირდაპირ გზის პირზე მასეთი სადგური, უამრავი ტრაქტორია ჩარიგებული, მაგრამ როგორ გინდა ახლა, რაიონის პერიფერიებში—თუშში, გოგნში, კვახჭირში და ა.შ. იქიდან ტრაქტორი ნაიყვანო, თანაც მოძალეული სამუშაოების დროს, შენ რომ გინდა, ეცლება იმ დროს?

რომ უჭირს დახვნა-დათესვა და საერთოდ მოსავლის მოყვანა, გული უცრუვდება შრომაზე კაცს, ეგერ თურქეთში, საბერძნეთში, იტალიაში... მიდიან სამუშაოდ და იქ საქმიანობენ სოფლის მეურნეობაში. არაერთი მეზობელი გყავს უცხოეთში და ჩამოსვლისას ისეთ რამეებს ყვებიან შეგშურდება და ჭკუაზე გადახვალ კაცი.

შენში ოღონდ გამრჯე კაცი დაინახო, რაიმეს მოყვანის თავი გქონდეს და ჩასვლისას ყველაფერნაირად გეხმარებიანო. თავი-სას ხომ თან ჰყვებიან, მინი ტექნიკა უსასყიდლოდ, უპროცენტო გარძევადაიანი სესხით, ხშირად სუბსიდირებითაც გარანტირებული არიან. ჭარბ პროდუქციას მოიყვანს და ჭმუკართან უსალებენო. ამ გზით ააყვავა თურქეთმა ბოლო ათწლეულში თავის სოფლის მეურნეობა და ჩვენი ზღაპრული მინა-წყლის პატრონი, სამწუხაროდ ახლა მათ მოყვანილს მოვიხმართო. ჩვენს უცხოელ მეგობრებსაც უკვირთ შემოტანილზე რომ ვზივართ. სპეციალურად ამოვიწერე, ერთ-ერთ ცენტრალურ გაზეთში შვეიცარიელი ელჩის ლუკას ბეგინგლერის სიტყვები: „როდესაც თქვენნაირი ბუნებრივი პირობების მქონე ქვეყანას საკვების 70-80% იმპორტით შემოაქვს, ეს არ არის სწორი პოლიტიკა“. ჩვენებურებიც ნელ-ნელა მიდიან უცხოეთში. ახლა უკვე ორგანიზებული ფორმა მიეცა უცხოეთის ქვეყნებში სოფლის მეურნეობაში ხელშეკრულებით ჩვენი მოქალაქეების გაგზავნას და ამ ისედაც დაცარიელებულ სოფლებში, ვინდა დარჩება საკითხავი ის არის.

მგონი ზამთარი მობრუნდა ეს ოხერი, 80-ს მიუყაკუნე აპრილში ასეთი წვიმიანი და დაბალი ტემპერატურა არ მახსოვს—მეუბნება ამას წინათ სოფელში ასულს ვეტერანი მეურნე, მერე ალბათ გვალვა ამოგვხდის სულს, ისეა სანყალ კაცს ქვა აღმართში მიეწი-აო, რომ არის ნათქვამი. გახშირდა უნდა დაჯარიმდეს, ვინც მინას არ ამუშავებსო, გამიგე თუ კაცი ხარ წელს ხომ არაფერი დახმარება იქნება სასუქებით, შხამ-ქიმიკატებით, სანვავით, როგორც ადრე, მეურნე ხალხს დაჯარიმება კი არა დახმარება უნდაო.

ამიდი კვლავ ჭირვეულობს. ერთ დღეს რომ დაეცემა ტემპერატურა, მეორე დღეს იმხელაზე ავარდება, ავგისტომი რომ იცის. ძალიან ცუდია ეს მცენარეთა ვეგეტაციისათვის, ადამიანებისათვის კიდევ უარევი. აქეთ კოვიდის ახალი ტალღა მოდის. ყველაფერ ამას გაძლება უნდა. უნდა გავუძლოთ უკეთესი სვალინდელი დღის იმედით.

ი. პრაძი

კო ბრიგადირს—მათე ზაქარი-აძე, ქეთო მასწავლებელს—ნათია გამეზარდაშვილი, სოსოიას რუსს—გიორგი აბჟანდაძე, კონია ფოსტალიონს—აკაკი ზაქარიაძე, ქიშვარდი თავმჯდომარეს—ლაშა მაჩიტაძე, სამხედროს მასწავლებელს—საბა კობახიძე, მოსწავლეებს: მაშინ-კო ბითარიშვილი, კესარია გიორგაძე, ბესარიონ ყურაშვილი, ეფროსინე ჯიხვაშვილი, ელპიტე მეფარიძე.

სპექტაკლის მუსიკალური გაფორმება ეკუთვნის თემურ ფანჩულიძეს, განათება გიორგი აბჟანდაძეს.

თითოეულმა, როგორც იტყვიან სული და გული ჩადო სპექტაკლის წარმატებაში და

„მუდამ სიმართლის მოქადაგე ვარ“! გელა (გელუკა) ბუილიშვილის გვერდი

ახალგაზრდა მწერალ გელა (გელუკა) ბუილიშვილს „თერჯოლის“ მკითხველი კარგად იცნობს. გელა ადრეული ასაკიდან თხზავდა ზღაპრებს, ხატავდა, საინტერესო გზა განვლო და დღემდე ეწევა შემოქმედებით საქმიანობას—წერს ლექსებს, ჰაიკუს, ესეს, ჩანახატებს, მინიატურებს, ზღაპრებს, პიესებს, სცენარებს. მისი პერსონაჟები გამორჩეულად უყვართ ბავშვებს.

გელა აქტიურად მონაწილეობს ლიტერატურულ კონკურსებში, არის სასწავლო-შემოქმედებითი კონფერენციების არაერთგზის გამარჯვებული. 2015 წელს „საკუთარი ორიგინალური ხედვისა და პოეტური აზროვნებისათვის“ საქართველოს მწერალთა სახლის რჩეული გახდა. დაჯილდოებულია საქართველოს კულტურისა და ძეგლთა დაცვის სამინისტროსა და საქართველოს მწერალთა შემოქმედებითი კავშირის დიპლომებით. 2019 წლის 14 აპრილს, სახელმწიფო ენის დეპარტამენტის მიერ გამოცხადებულ კონკურსში „რეპორტაჟები 1978 წლის 14 აპრილის შესახებ“, დაჯილდოვდა II ხარისხის დიპლომითა და ფულადი პრემიით; აფხაზეთის სულიერებისა და კულტურის ცენტრის მიერ გამოცხადებულ „დათა გულუას სახელობის პოეზიის კონკურსში“ კი სიგელითა და ნიგნებით დაასაჩუქრეს.

მისი შემოქმედება სისტემატურად იბეჭდება „მწერლის გაზეთში“, საყმაწვილო ჟურნალ „ჯეჯილში“, ლიტერატურულ ჟურნალ „განთიადში“. აღსანიშნავია გელას აქტიური მონაწილეობა საქართველოს დაწყებითი განათლების პროექტში „G-PRID“, რომელშიც რამდენიმე გაკვეთილი საგანმანათლებლო რესურსად დაგეგმა.

დღეს გელა სამი წიგნის ავტორია, მათ შორის ორი ელექტრონული (საქართველოს პარლამენტის ეროვნული ბიბლიოთეკის მიერ გამოცემული). ვუსურვოთ მას წინსვლა და წარმატებები. აქვე გთავაზობთ შემოქმედი მწერლის ახალ ნოველასა და ლექსებს.

„მორონა“ ანუ გრძელი ღამე (ნოველა)

„როგორ დაცარიელდა ქალაქი... ვითომ ხალხი არის მასში და მინც არ არის!

ვითომ ღიმილია, მაგრამ არ არის!... სითბო გარეთ, მაგრამ საოცარი სიცივეა. სადღაც ქუჩის ბოლოს გაივლებენ შეშინებული ადამიანები. ისე სწრაფად ჩაუვლიან ერთმანეთს, თითქოს ეშინიათ ერთმანეთისაგან არაფერი გადაედოთ. მოწყვნილი, ცარიელი, სევდიანი ქალაქი...“

დილით ადრე წამოვიდა ქუთაისიდან ამ ფიქრებით დამძიმებული დავითი. კარგა ხანია მოდის.

სახლისაკენ მიუჩქარება. ცხენდაცხენ მიუყვება ოკროპოკო გზას.

იქვერეთის ჩრდილიანი ორღობეები. სიცხე ძალზე აჭერდა.

ორღობეებში აქა-იქ რტოებდაშვებული ხეები რამდენადმე აგრილებდნენ სვავს.

მაღიმაღ ინმენდა შუბლიდან ოფლს. გაივკა.

წყაროსთან ცხენი შეაჩერა. ჩამოხტა. ცივი ანკარა წყალი ესამოვნა დაღლილს. თითქოს სიცოცხლე მოემატა. სული მოითქვა. ცხენსაც დააღვივნა მონანწკარე წყაროდან. იქვე მოღზე მიუშვა. თვალი მილულა. უცებ ხმები ჩაესმა: —ა, აქ შევისვენო, ჩემო ბატონო!

—კი, ბატონო ივანე, შევისვენო! დავითმა თვალი გაახილა. წამოინია. ორი უცნობი ჩოხოსანი დადგომდა თავს. წამოდგა.

—ბატონო, მყუდროება ხომ არ დავიკრავთ?—შეეკითხა ერთი წვეროსანი.

—არა, არა ცოტა შევისვენე და კიდევ ჩამთვლიმა!

მეორე ჩოხოსანიც მოუახლოვდა.

—აზნაური პლატონ სამანიშვილი გახლავართ, ჩემო ბატონო,—თავაზიანად გაეცნო დავითს—ეს კი ადვოკატი ივანე გვერდევანიძე ბრძანდება.

—გზაში დვევდართ ერთმანეთს. ქვედურეთს ნასვლას ვაპირებდი.

—მწერალი დავით კლდიაშვილი—თავის მხრივ არ დააყოვნა დავითმაც. —შეისვენეთ, სიცხეა ძლიერ.

დავითმა დაკვირვებით შეათვალა მგზავრები: ერთი ხმელ-ხმელი, წვეროსანი ახალგაზრდა კაცი იყო, მეორე—ჩასუქებული, წვერგაპარსული, კაზიროკ ქუდიანი, ქოლგით იდლის ქვეშ, ნითური სახის.

—მე ქვედურეთს ვაპირებდი წასვლას—დუმილი დაარღვია პლატონმა,—მარა, ეს კეთილშობილი აზნაურიშვილი შემომხვდა წინ და გამოგბრუნდი მეც უკან. შემამინა ნამეტანი. საუბარში ივანე ჩაება, კაზიროკიანი ქუდი მოხადა და სახე უსიამოვნოდ შეეჭმუნა:

—ქვედურეთში ვიყავი. თქვენი მტერი იქნა ისე, იქ მე ამბავი დამხვდა: საიდანღაც აღანტალეულა და მოდებული იქ რაცხა „მორონა“ სენი. გარეთ ვერ

გამოდიან ერთმანეთის შიშით, ქე დალუპულა ბევრი. სპირიდონა წემსადის ცოლ-შვილი სულ ამომწყდარა, კაცი ვერ მიკარებია მოსახმარებლად. რა უნდა ექნა საწყალს, დაუწყვია ურემზე ოთხივე—ცოლი და სამი შვილი და მარტო გოუტანია დასამარხავად. საქმე მქონდა, მარა ქე გამოგბრუნდი უკან, შემეშინდა! დამფრთხალია ხალხი, კარებში ვერ გამოდიან.

—ჰო, ქალაქშიც შეიმჩნევა ეგ სენი—დაუდასტურა დავითმა.

—ერთმანეთის ნაცუეჯაზება ყველა, ბატონო,—ალმური ნაეკიდა პლატონს,—ერთმანეთს აღარაფერს ანებებენ, ჭიჭყინობენ, დავიდარობენ, ჰკლავენ ერთმანეთს. ცუდი დრო მოვიდა, ბატონო, ხალხიც მომრავლდა! ჩხუბით თუ გეინმინდება ცოტაზე მინც ქვეყანა—დაასრულა და თან თავის გულში ფიქრიც ჩაატანა „ოხერი მამის გამო რატომ ვისჯები? რალა ახლა მოუნდა ორნაქმარევი და უშვილო დედაბერი. ამ უბედურების დროს სად მოუვანახო? ე, ჩემი სიძე კირილე კიდევ რომ დახონიალობს აქეთ-იქით, სადმე არაფერი ეიკიდოს და არ მიათროს სახლში, ამორავგავს ცოლ-შვილს!“

დავითი ჩარევას აპირებდა, მაგრამ ამ დროს ვიღაც უცხო ცხენოსანი მოუახლოვდათ.

—ვინაა, ნეტავ?—იკითხა პლატონმა.

—რალაც ჩვენებურს არ ჰგავს—გამოეპასუხა ივანე. კეხინაცხვირიანი, ბაკენბარდებიანი და ხვეულომიანი ბერის შავ, გრძელ, მოძველებულ ანაფორაში ჩაცმული მამაკაცი ნაბლისფერი ცხენიდან ჩამოხტა და მათკენ წამოვიდა.

—თქვენ აქოური არ უნდა იყოთ, ბატონო!—მიმართა უცნობს მორიდებით ივანემ.

—თომას რობერტ მალთუსი, ინგლისელი მეცნიერი, დემოგრაფი—თავაზიანად გაეცნო უცხოელი და თავი დაუკრა წყაროსთან შეკრებილებს—ახლა ვმოგზაურობ თქვენს ქვეყანაში, მაგრამ ვატყობ, მალე გავემგზავრები უკან. „მორონას ვირუსი გავრცელებულა და აღარ დავრჩები აქ. ზრდილობიანი მისაღება არც ქართველებს დაიწყებიათ თავის მხრივ. უცხოელმა წყაროს წყალი დალია და ხელსახოცი ამოიღო, დაასველა, სახეზე მოისვა, გრძელკალთიანი სამოსი ჩაიბერტყა, დამტვერილი შავი ტყავის მაღალყელიანი ჩექმებიც გაისუფთავა.

—თქვენ, ბატონო, დიდი ხანია აქ ხართ?—მორიდებით შეეკითხა დავითი.

—არც ისე, მე ყველა ქვეყანაში ვმოგზაურობ. მოსახლეობის ზრდის შემაკავებულ და გამანადგურებელ ფაქტორებს ვიკვლევ. როგორ აგისხნათ? საზოგადოებამ მოსახლეობის ზრდის რეგულირება უნდა მოახდინოს. კაცობრიობა დედამიწაზე არათანაბრად განსახლებული, ზოგან იგი მჭიდროდ, ხოლო ზოგან მეჩხერად არის განლაგებული. მოსახლეო-

ბის ზრდის ბუნებრივ კანონებს ვადგენ. —მერე, რა დაასკვენიო, ბატონო ჩემო?

—დაინტერესდა დავითი. ივანე და პლატონი მათ გაოცებულნი უსმენდნენ, ბევრი ვერაფერი გაიგეს. ხან ერთს გადახედავდნენ და ხან—მეორეს. მალთუსმა მათ სიბრალულით თვალი მოავლო და გააგრძელა:

—მე დავასკვენი, რომ შეუსაბამოა ერთი მხრივ, მოსახლეობის ზრდასა და მეორე მხრივ, საარსებო საშუალებათა ზრდას შორის. პირველი იზრდება გეომეტრიული, ხოლო მეორე არითმეტიკული პროგრესიით, ამიტომ დედამიწას ემუქრება მოსახლეობის სიჭარბე. იგი მოსახლეობის გამოკვებას ვერ შეძლებს, ამიტომ დედამიწას მოედება ეპიდემიები, ომები, სახადი...

—ე, ხომ ვამბობდი ჩხუბით თუ გეინმინდება ქვეყანა-თქვა—გამოცოცხლდა პლატონი, რალაც მისთვის გასაგებს რომ მოჰკრა ყური.

—რატომ გამოუტანეთ ასეთი მკაცრი განაჩენი ადამის მოდგმას, ბატონო ჩემო?

—შეეკითხა დავითი მალთუსს, რომელიც უკვე ცხენზე ამხედრებულიყო და ზევიდან ნიშნისმოგებით იხედებოდა.

—თვითონ გამოუტანეს მათ თავიანთ თავს განაჩენი—უპასუხა უცხოელმა და წასვლა დააპირა.

—ვერ დავეთანხმებით,—მტკივედ უღერდა დავითის ხმა ვერ დავეთანხმებით, ყველაფერი უფლის ნებაა და უფალი ჩვენ არ გვეკითხება ვინ მოავლინოს და ვინ არა ქვეყნად. საარსებოსაც თავად გაუჩენს თავის გაჩენილს, ასე რომ თქვენ, საცოდავი მოკვდავი, წამით მოსული ამქვეყნად ნუ ჩაერევით თქვენი ყბადაღებული თეორიებით მარადიულში. მალთუსი გაკვირვებით უცქერდა ოფიცრის ფორმაში გამოწყობილ პატარა ტანის კაცს, რომლის თვალებიც მრისხანედ ანათებდა. ხის საწერ მაგიდას მოუჯდა დავითი. ძალზედ დაღლილი იყო ნამგზავრი, მაგრამ თავისი აზრები რომ ქალაქისათვის არ გაენდო არ იქნებოდა, რალაც ძალა არ მოასვენებდა. „ნეტავ, მალე გათენდებოდეს ეს გრძელი ნაცრისფერი ღამე!“ ჩამავალი მზე უკანასკნელ სხივებს ჰკრებდა ულამაზესი ეზოდან. ბინდებოდა. იისფერი მელნით გულდაგულ გამოჰყავდა სტრიქონები: „ყველაფერს, რასაც ვწერდი, ადამიანების სიყვარული მანერინებდა“...

გარეთ ძალღი შვევდა, ეზოებიდან დაბრუნებული პირუტყვის ბლავილი ისმოდა. ხის ოდებიდან კვამლი ამოდიოდა. ჰაერში ცხელი მჭადის დამათრობელი სურნელი იფრქვეოდა...

იმერული ზაფხულის ღამეს მუსიკალურად ჭრიჭინობლები აფორმებდნენ...

18.04. 2020 წელი




გაზაფხულის იდილია

დილა არის, ცის ლაჟვარდი საამურად იყურება, გაფურჩხული დილის ვარდი გადაკოცნეს ჩიტუნებმა. ლურჯთვალეუბა იის სურნელს მთელი ბალი დაუვლია, ოქრონარევე მზიურ სხივებს გულის კარი გაუღია. ვარდის ტოტზე ბუღბული სტვენს სტვენს და სმენა დაუტკბია, ჩიტუნები ხმას არ ძრავენ, თითქოს ბრძოლა წაუგიათ. შინდის კვირტი, ატმის კვირტებს არ ასვენებს აკრიტიკებს, „პირველობა ჩემიაო“, აქილიკებს, აკრიტიკებს. მთა და ბარში სიცოცხლე ჩქეფს გულში სუფევს ბრწყინვალეა შენ სალამი, შენ დიდება, შენ სიცოცხლის დაბრუნება!

8. 04. 2021 წ.

„ლურჯა ცხენების“ კითხვის შემდეგ (ფუძვნი ქართული ლექსის მესაიდუმლეს, გენიალურ გალაკტიონს) გალაკტიონის ლურჯა ცხენთა ვინთები ცქერით, ნისლის ჩანჩქერებს მიაპობენ გზებზე მქროლავნი, და დაკარგული მიბრუნდება მე ყველა რწმენა, მინდა მივუძღვნა „ლურჯა ცხენებს“ ეს აღმადრენა! ლურჯა ცხენები მიაპობენ წინ აღმდგარ ქარებს, და ეს ცხენები მაგონებენ მის იდეალებს! შორს, შორს წვდებიან დიდი მგონის ფიქრნი მსრობოლენნი, ლურჯა ცხენებს კვლავ ამ კლდეების იქით მოველი!



12. 03. 2021 წ.




კვლავაც მხნედ, ჩვენო ჩემპიონო!

ნონა გაფრინდაშვილი—80


ჩვენ სახელგანთქმულ მოჭადრაკეს ნონა გაფრინდაშვილს 3 მაისს 80 წელი შეუსრულდა. ნონა საერთაშორისო დიდოსტატი, ოლიმპიური და მსოფლიოს ხუთგზის ჩემპიონია. ამ იუბილის აღსანიშნავად, ჩვენმა თანამემამულემ, ღვანკითელმა საჭადრაკო ამოცანების და ეტიუდების შემქმნელმა ნიკოლოზ გავაშელაშვილმა შექმნა საჭადრაკო ამოცანები, რომელსაც აქვე ვთავაზობთ. საჭადრაკო დაფაზე ფიგურების განლაგება აღნიშნავს ქართული ასოებით გამოყვანილ სახელს და იუბილის თარიღს. ციფრები 10/3, 7/9 და ა. შ. აღნიშნულია თეთრი და შავი ფიგურების განლაგება, სადაც პირველი ციფრი თეთრების აღმნიშვნელია. ნომანი #2-აღნიშნავს—შამათი 2 სვლაში.




10/3 #2
1. c8მ! მუქარა მ b6X
1... კ d8 2. მ d6X
1... მ a4(მ:d7) 2. d3x



7/9 #2
1. კ e7! ცუგცვანგი
1... მd- 2. მ f8X
1... მf- 2. მ d8X
1... e4 2. მ f4X



5/8 #2
1. მ b2! მუქარა კ e5X
1... c4 2. კ b6X
1... მ c4(f3)2. ე:e4X




7/3 #2
1. ე e7! ცუგცვანგი
1... მფ d5(d6) 2. ლ c5X
1... მფ f5(f6) 2. ლ გ5X

ამ საჭადრაკო ამოცანების ავტორი, ნიკოლოზ გავაშელაშვილი დაიბადა თერჯოლის რაიონის სოფელ ღვანკითში 1949 წლის 16 აგვისტოს. საშუალო სკოლის დამთავრების შემდეგ, სწავლა განაგრძო საქართველოს სუბტროპიკული მეურნეობის ინსტიტუტში, ქ. სოხუმი. სპეციალობით არის სწავლული აგრონომი. სხვადასხვა დროს მუშაობდა ქ. ზესტაფონში და ქ. თერჯოლაში, გამწვანებისა და კეთილმოწყობის სამსახურებში უფროსად და რიგით თანამდებობებზე. 1995 წლიდან მუშაობს შპს „ჯორჯიან მანგანეზი“-ს №1 საამქროში, ოპერატორად. ამ წიგნის გარდა ავტორს მზად აქვს ქართული მხედრული ანბანის მიხედვით შექმნილი სკახოგრაფიული ამოცანები, რომლის გამოცემას მომავალში აპირებს.

ბრწყინვალე შვიდეული

აღდგომის დღესასწაული ერთი კვირის მანძილზე (3-9 მაისი) გრძელდება. ამ კვირას ბრწყინვალე შვიდეული ეწოდება. მისი თითოეული დღე განსაკუთრებული მადლითაა აღსავსე.



მორწმუნეები ბრწყინვალე შვიდეულის ორშაბათს მიცვალებულთა საფლავებზე გადიან, მაგრამ ამაჯობად ჩვენ მათ ვისხენებთ არა იმიტომ, რომ განშორება ვიგლოვით, არამედ იმიტომ, რომ ვახაროთ ქრისტეს მკვდრეთით აღდგომა, რომელმაც „თავისი სიკვდილით დათრგუნა სიკვდილი და საფლავებსა შინა სიცოცხლე მიანიჭა“. თუ ადამიანს სწამს ღმერთი, სწამს, რომ ის აღდგა და სიკვდილი განაქარვავა, მისთვის ამ სადღესასწაულო დღეებში მიცვალებულის დატირება და გლოვა დიდი ცოდებაა. განშორების მწუხარება, რომელიც მარად ჩვენს გულშია, ამ დღეს მერტად თავშეკავებულად უნდა გამოიხატოს, რამეთუ მას ცვლის დიდი სულიერი სიხარული და განცდა კვლავ შეხვედრის უჭკველობისა. ამასთან, საფლავებზე გადვიდართ სწორედ ორშაბათს და არა თვით აღდგომას, რაც არ იქნებოდა მართებული.

ბრწყინვალე შვიდეულში ყველა საეკლესიო წესს განსაკუთრებული ელფერი აქვს; წირვა-ლოცვა მხოლოდ ამ კვირისათვის დამახასიათებელი რიტუი სრულდება, განსხვავებულია მიცვალებულის წესის აგება, ცვლილება ჩვენს ყოველდღიურ ღოცვებშიც; დილა-საღამოს ღოცვების ნაცვლად იკითხება „პასექის ჟამნი“.

ამ კვირაში ზიარებისათვის მომზადდება შემსუბუქებელი: მარხვის დაცვა არაა საჭირო, ხორცის მიღება თვით ზიარების წინა დღესაც კი შეიძლება. აღდგომიდან 40 დღის განმავლობაში ქრისტიანები შეხვედრისას „გამარჯობის“ ნაცვლად ერთმანეთს ქრისტეს აღდგომას ახარებენ: „ქრისტე აღდგა“—„ჭეშმარიტად!“, „ჭეშმარიტად აღდგა“—„ჭეშმარიტად აღდგა ქრისტე!“

აღდგომის შემდეგი კვირა მსვეფსია. მორწმუნეებს ყველანაირი პროდუქტის მიღება შეუძლიათ.

ბრწყინვალე შვიდეულში არ იკითხება ფსალმუნები, პარაკლისები, დაუჯდომელი ღოცვები,

ხოლო დილა-საღამოს ღოცვების ნაცვლად იკითხება პასექის ჟამნი. პარაკლისებისა და დაუჯდომლების ნაკითხვის მსურველთა შეუძლიათ ნაიკითხონ: „პარაკლისი აღდგომიდან დაწყებული თომას კვირიაკემდის, ანუ - ბრწყინვალე შვიდეულში“.

ჩვეულებრივი დილა-საღამოს ღოცვების, პარაკლისების, დაუჯდომლების და ფსალმუნების კითხვა განახლება თომას კვირიაკიდან (აღდგომის მომდევნო პირველი კვირადღიდან).


თომას კვირიდან ამაღლებამდე „მეუფეო ზეცათაოს“ ნაცვლად ვამბობთ აღდგომის ტროპარს („ქრისტე აღსდგა მკვდრეთით...“) 3-ჯერ, ხოლო „ღირს არსის“ ნაცვლად ვამბობთ: „ანგელოზი ღალადებს, მიმადლებულ ნმიდაო ქალწულო, გიხაროდენ და კუალად გიხაროდენ. ძემ შენი აღსდგა მესამესა დღესა საფლავით და მკუდარნი აღადგინა, ერნო, გიხაროდენ. განათლდი, განათლდი, ახალო იერუსალიმ, დღეს დიდებამ უფლისა შენზედა გამობრწყინდა, განსცხრებოდე და იხარებდ სიონ, და ან შენცა იმუებდი, ღმრთისმშობელო, აღდგომასა ძისა შენისასა“.

მუხლთა დრეკა და დიდი მეტანიები განახლება სულთმოფენობის დღესასწაულიდან (აღდგომიდან 50-ე დღეს).

ბრწყინვალე შვიდეული ხსნილია ოთხშაბათისა და პარასკევის ჩათვლით, ხოლო თომას კვირიდან ამაღლებამდე (აღდგომიდან მე-40 დღე) ოთხშაბათი და პარასკევი ხსნილია თვეზით.

ბრწყინვალე შვიდეულში საზრდელის მიღების წინ და შემდეგ ვამბობთ მხოლოდ აღდგომის ტროპარს („ქრისტე აღსდგა მკვდრეთით...“) 3-ჯერ, ხოლო თომას კვირიდან ამაღლებამდე საზრდელის მიღების წინ ღოცვას ვინცებთ აღდგომის ტროპარით, ხოლო შემდეგ „ღირს არსის“ ნაცვლად ვამბობთ: „ანგელოზი ღალადებს...“

კროსვორდი ეძღვნება აღდგომის დღესასწაულს



1. ხელდასმა ანუ... 2. „შვიდეული დღეთა“, ანუ... 3. უდიდესი ქრისტიანული დღესასწაული. 4. მორწმუნენი. 5. მწინდა წყალი. 6. ციური არსებები 7. ერთი ადგილობრივი ეკლესიის დამოუკიდებლობა მეორისაგან. 8. მონანიება ანუ... 9. ეკლესიის მინაშენი. 10. ზებუნებრივი წყალობა. 11. აკრძალვა ანუ შეზღუდვა საქმელ-სასმელისა. 12. ეკლესიის მსახური. 13. უფლის სახლი. 14. მართალი აზრი, მტკიცე რწმენა. 15. უფლისადმი ერთგულების სიმბოლო. 16. მისანი ანუ... 17. საღმრთო წიგნი—ძველი დამწერლობის უზარმაზარი ძეგლი. 18. წირვის წიგნი.

პასუხები შემდეგ ნომერში. შეადგინა ნ. ბამყრელიძემ

ახალი გამოფენა დედაენის დღეს მიეძღვნა

მცირეოდენი პაუზის შემდეგ, რომელიც პანდემიამ გამოიწვია, სამხატვრო სკოლის საგამოფენო დარბაზში ისევ დაიბრუნა თავისი უპირველესი და უმნიშვნელოვანესი ფუნქცია.

„კოვიდ 19“-თემატიკიდან გამომდინარე ზოგს საკუთარი დედის პორტრეტი ან ქალის პორტრეტი, ამასთან ლამაზ ფერებში შესრულებული ნამუშევრები აქვს წარმოდგენილი, ზოგს სხვა

ქალბატონ თამარის ხელმძღვანელობით ყველაფერს აკეთებენ, რომ ფერწერის, გრაფიკის, დიზაინის, კომპოზიციის და ა.შ. გაკვეთილები ჩაუტარონ და ხატვის ხელოვნების საიდუმლოს აზიარონ, ამასთან ხელს უწყობენ მათ ღირსეულ ადამიანებად ფორმირებას, გემოვნების დახვეწას, ესთეტიკური და ზნეობრივი თვისებების ჩამოყალიბებას... ასევე მიმდინარეობს მუშაობა ახალბედა „მხატვრებთან“, რომელთა ნამუშევრებმა გაამდიდრა და გაამრავალფეროვნა გამოფენა. მომავალში კი კიდევ უფრო მეტი სრულყოფილებით და გემოვნებით შესრულებულ ნამუშევარს ვიხილავთ.



აგრეთვე კერძო სკოლა „მზეკაბანის“ სხვადასხვა კლასების მოსწავლეებს და არა მხოლოდ მათ, რომლებიც ინტერესით ეცნობიან თანატოლთა ნამუშევრებს.

ანუ ცხოვრებაში დასამკვიდრებლად ჯერჯერობით არავინ იცის, მხატვარს მომავალი გამოაჩენს, ხოლო დღეს ისინი იმ ლამაზი სამყაროს შეცნობის პროცესში არიან, სამომავლოდ კარგ, გემოვნებიან მოქალაქეებად ჩამოყალიბ-




ქალაქი ვაჟაქაძე

ნორჩმა მხატვრებმა, რომლებიც დისტანციურ რეჟიმში აგრძელებდნენ მუშაობას, მათი შემოქმედება ამჯერად დედაენის დღეს მიუძღვნეს.

ნატურმორტი თუ გრაფიკული ნამუშევარი, არის აბსტრაქცია და კოლაჟი, პეიზაჟი, პლასტიკის ნივთიერების შესრულებული ნახატები, ლამაზი სამკაულები, გვარსახელთა ლამაზად წარმოდგენილი ინიციალები, რომელიც ხაზს უსვამს ქართული დამწერლობის განუმეორებელ სილამაზეს...

ეს გამოფენა 14 აპრილს გაიხსნა. სამხატვრო სკოლის დირექტორს ქალბატონ თამარ ლარიბაშვილს არაერთხელ აღუნიშნავს, რომ თერჯოლაში ბევრი ნიჭიერი ახალგაზრდაა, არიან ხატვის განსაკუთრებული ნიჭით დაჯილდოებულები, არიან აგრეთვე ისეთი ბავშვები, რომლებსაც უყვართ ხატვა და სამხატვრო სკოლა მათ ეხმარებათ ხატვის ხელოვნების დაუფლებაში. გამოფენაზე წარმოდგენილი ნამუშევრები ამის თვალსაჩინო მაგალითია.

გამოფენაზე წარმოდგენილი სურათებიდან განსაკუთრებით ყურადღებას იქცევს იმ მოსწავლეთა ნამუშევრები, რომლებიც 5-6 წელია უკვე სამხატვრო სკოლაში სწავლობენ: ანანო ობოლაძე, გიორგი რობაქიძე, ელენე ვაშაძე, მარიამ დათიაშვილი, ანა ნიქაბიშვილი, ნინო ქაშაკაშვილი, თორნიკე სახელაშვილი, ნინო მაჭარაშვილი, ვახტანგ და ნიკოლოზ ყიფიანები, ნინო მარუაშვილი, გივი ნაქაძე წლებია სამხატვრო სკოლის აღსაზრდელები არიან, მათი პედაგოგები დარეჯან გოგბერაშვილი, ეკარეშაძე, ნინო ჩხიკვაძე, თამთა მაჭარაშვილი, დირექტორის



დახალი კანკოშვილი

ნახია დიდუაშვილი

გიაშვილმა, მოადგილე მირზა ქოჩიაშვილმა, მერის თანაშემწე ვანო მარუაშვილმა, მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა სამსახურის უფროსმა გურამ თურქაძემ და სხვებმა. მოსწავლეთა ნამუშევრებით აღტაცებულმა მუნიციპალიტეტის პირველმა პირმა სკოლას მხარდაჭერა და დახმარება აღუთქვა. ასე რომ მომავალში, მერიის დახმარებით, სკოლის მაღალი საფეხურის მოსწავლეები მასწავლებელთა დახმარებით ზეთის საღებავებით ტილოზე მუშაობაში მოსინჯავენ ძალებს...



გიორგი რობაქიძე



ანანო ობოლაძე

სამხატვრო სკოლაში გამოფენის დამთავლიერებელთა მისვლა არ წყდება. ბუნებრივია, პანდემიის ვათვალისწინებით და რეგულაციების დაცვით. აქ ხშირად ნახავთ ქალაქის №1 და №2 საჯარო სკოლების,

დღეისათვის სამხატვრო სკოლაში 79 მოსწავლე ირიცხება, ანუ აქ სწავლის მსურველთა რიცხვი ყოველწლიურად იზრდება. ვინ რა გზას აირჩევს სამომავლოდ

ბაში რომ შეუწყობთ ხელს, ამიტომ ამ სკოლაში გატარებული ყოველი წუთი ძვირფასია თითოეული აღსაზრდელისათვის.

გზია ცაიფურიშვილი

ნ მისი, გიორგობა - წმიდა გიორგი თარჯოლეს სრულიად საქართველოს!

<p>შპს „თარჯოლა“</p> <p>გამომცემელი ვალერიან გოგიაშვილი 599 92 49 75</p> <p>მთავარი რედაქტორი დავით კლდიაშვილი 599 91 24 14</p> <p>სარედაქციო კოლეგია</p> <p>რეგისტრაციის №53/5/ბ-22 გამოდის თვეში ორჯერ</p>	<p>კორესპონდენტები:</p> <p>ნ. გამყრელიძე—555 78 08 55 ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41</p> <p>ელ-ფოსტა: gazetiterjola@mail.ru</p>	<p>აიწყო და დაკაბადონდა რედაქციის კომპიუტერულ ცენტრში</p> <p>მისამართი:</p> <p>ქ. თერჯოლა, კოსტავას ქუჩა №2 დაიბეჭდა ქუთაისის შპს „სომელი ენ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები:</p> <p>„ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
---------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------